

Alabari a Sa'ani a Yahaya

Ucuduwu wa aatagada a nda

Yahaya, na ɗanai Alabari a Sa'ani a nda, u ɗana ta zuzu na Yesu a mantsa ma na Yesu yuwain ulinga wa yi pa o uvaɗi. A tyo ɗe, reve wo o'wo zagbain atsuma a aza e Itoni. Atsuma a aatagada a nda u damma ta ili i na i farai ana u ɗanaɗi obolo na Yesu.

Atsuma a Alabari a Sa'ani a nda tsu uwwa ta ili i na Yesu dammai waru tse ene ta ili i na u yuwain ana u ɗanaɗi bolo na ama. Tsu uwwa ta adama a ka va Samariya za na usuyi mini mo ucasu u wuma u na Yesu aa casu, ka na e remei atsuma o unusu, i'utsa ya yi Li'azaru za na Yesu kambatoɗi wuma, na ama o ro na abunda. Yesu ɗe ta aciyayi "Amu da", za na ayi da aala a akiza a Asula na Tsuyahuda. U yuwan ta iroci ya abunda i na i rocoi ayi za va aguba va amayun a da, waru ayi da ataci a amayun. Yahaya damma ta cine Yesu yuwain linga va asalama cindere aza a na a ri fo iroci cine Yesu ri. Za ta atsuma e le ayi da ana Yesu kambatoɗi aakutsuma gbagba, u ta tsa Dada va yi, za na tsu lyawa mayan mo ulinga shi.

Yahaya ɗana ta ili i nda adama ama a ca okolo ya Yesu, ayi da Zamawawa. Aaɗiva a 3, o ugesu wa 16, tse ene ta adanshi o ucira a na o rocoi cine Asula a cigai ama o uvaɗi. Ana wo wo'oi Yahaya ene ta ili i nda suru ne esu a yi, tsu ushi ta ili i na u dammai amayun a da.

Ili i na i ri pe atsuma a aatagada a nda

1. Ikaka ya Asula a tyo o uvadi (1:1-18)
2. Alajiya a Yahaya za vu Urumbusu (1:19-34)
3. Yesu fara dangwai ojoro a yi (1:35-51)
4. Linga va asalama cindere (2:1-12:50)
5. Ajuma o ukosu wa Yesu: uge'etosu wa yi nu ukwa wa yi (13:1-19:42)
6. Yesu ta wuma (20:1-10)
7. Yesu roco ta aciyayi a tyo ojoro (20:11-21:25)

Ikaka i na yaa casu wuma

¹ Kafu a yuwan uvadi Danshi* dana ta lo. Danshi'i u dana ta obolo na Asula, Danshi'i unata u da u ri na Asula.

² U to obolo na Asula kafu ufaru wu uvadi.

³ Ayi da u yuwain ili suru. Babu ili i na i ri lo i na u yuwain shi.

⁴ Danshi'i ayi da ufaru u wuma, avu wuma'a u tawa ama ne ekan.

⁵ Reve eka'an e ikana atsuma e irumbu, agba irumbu'u i gura la'a yi ucira shi.

⁶ Vuma ro dana ta lo za na a tsu de Yahaya,†† za na Asula a lyunguyi tsa malingata ma yi.

⁷ U tawa ta u damma ama amayun e eka'an, tsara ama suru a ca okolo adama e ili i na u dammai.

⁸ Ayi aciyayi ayi da eka'an shi, amma u tawa ta tsara u damma ama amayun e eka'an.

* **1:1** Aza a Isra'ila a tsu tara ta Danshi vo o'wo Asula amma nu u ri ko'lo diga Asula Dada. Ure u na u la'a lobonoi e ekere a Yahaya da ndolo adama u cuwuwa Yesu Zamawawa. † **1:6** Ayi Yahaya o uguzu u nda ayi da Yahaya za vu Urumbusu, amma ayi da Yahaya aajiya a na a danai aatagada a nda shi.

⁹ Ekan a amayun a na a casu ama suru ekan a ta tawā o uvadī, waru u tawā ta de!

¹⁰ Danshi'i u dānā ta atsumā o uvadī waru Asulā a yuwan ta ulinga na ayi u yuwan uvadī, agba ama o uvadī e reve yi shi.

¹¹ U tawā ta atsumā e idā ya yi agba ama a yi a usu yi shi.

¹² Amma ozo o ro a usu yi ta, reve a ca okolo e le ya'a yi. Dada u zuwa nle o o'woi muwun ma Asulā.

¹³ Agba cine na nan dada le a matsan nle da u zuwa nle o o'woi muwun ma Asulā shi. Asulā a da na aciyayi u zuwa nle o o'woi muwun ma yi.

¹⁴ Danshi'i u kamba ta vadilima, reve u danu atsumā a tsu. U dānā ta tapu ni isa'ani na amayun. Tse ene ta tsugbain tsā yi tsa na u tsurai adama a na ayi da Mawun ma Dada goon.

¹⁵ Yahaya yuwan ta adanshi a amayun adama a yi ana u dammai, “Ayi nda ayi da Za na n yuwaan ndu adanshi adama a yi: ‘Za na a matsain acaṣa a va u la'a mu ta tsugbain adama a na u ta lo wuma, kafu a yuwan ekpe'win a na a matsan mu.’ ”

¹⁶ Adama e icigi ya aḡulā ya yi e ekere a tsu, dada u zuwaa ntsu aba'un suru, waru u ta casu tsu aba'un kuci.

¹⁷ Ama a ushi ta Wilā e ekere a Musa, agba isa'anit na amayun e ekere e Yesu Kristit Zamawawa da o utai.

¹⁸ Babu za na enei de Asulā, she Mawun ma ta goon, za na ri unata na Asulā waru u ri a muwwulai na Dada. Ayi da goon u zuwai ama e revei cine Asulā a ri.

*Yahaya yuwan ta adanshi adama e Yesu
(Mat. 3:1-12; Mak. 1:1-8; Luk. 3:1-18)*

19 Avu azagbain a aza a Isra'ila atsuma a Urishe-
lima a lyungu nan ganu o**o**lo na nan Levi o ro a
'yawa e ece Yahaya za vu Urumbusu, “Zane da gba
avu vu ri?”

20 Agba u pala le shi, avu u yuwan adanshi
a alanga e eteshe, adansa, “Amu da Kristi Za-
mawawa'a shi.”

21 Dada e ece niyi, “Na avu da Kristi Za-
mawawa'a shi, zane da vu ri? Avu da Iliya?”‡

Reve u usu, “O'o, amu da shi.”

Avu e ecishe yi, “Avu Vumavasula† ro da langa?”

Avu u usu, “O'o, amu da shi.”

22 Reve a damma yi, “To zane da vu ri? Damma
tsu tsara tsu reve ili i na ttaa damma aza a na a
lyungu ntsu. Zane da gba vaa tarasa aciyawu?”

23 Reve u kambuwa le ni idanshi ya Ishaya vu-
mavasula:

“Amu da udyo wu nanza e dewu atsuma o una,
adansa,

‘I foboo Zagbain ure u sa'ani,

za na ri lo a tawa.’ ”

24 Afarishi† a da aza a na a lyunguyi ama o ndolo.

25 Avu e ece, “Na avu da Kristi Zamawawa'a shi,
ko Iliya, ko Vumavasula ro langa shi, to, cine vaa
yuwusan urumbusu tsunda?”

26 Dada Yahaya damma nle, “N tsu rumbu† ta na
mini, amma gogo atsuma o o**o**lo a nda, vuma ro
ta pa a na i revei shi.

‡ 1:21 Adama a na Asula a tarai Iliya a tyo zuva ayi ubuwu wuma,
aza a Isra'ila a dana ta a pura Iliya kamba. Musa yuwan ta
nzuwulai a na Asula a ta lyunguwa aza a Isra'ila na vumavasula
oroci a yi. Aza a Isra'ila a dana ta a pura vumavasula ro langa.

27 *Āyi* *ḍa* u *tawai* *aḥapa* *a* *va*. N rawa m *baḍa* *wunu* *va* *atan* *va* *yi* *shi*.”

28 Yahaya rumbusu *ta* ama *a* *lyuci* *va* *Batanya* *za* *na* *ri* *asana* *a* *mḅanga* *mu* *Uḍolu* *wa* *Urdu* *ana* *ili* *i* *nda* *i* *farai* *suru*.

Yesu ḍa Magiri'i ma Ḃsula

29 Ana usana u *tawai*, *avu* Yahaya ene *Yesu*† *a* *tawa* *ubata* u *na* u *ri*. Reve u *damma*, “*Apa* *Magiri'i* *ma* *Ḃsula*† *ma* *na* *Ḃsula* *a* *yuwain* *ulinga* *na* *ayi* *na* u *yuwayin* *ama* *o* *uwaḍi* *gafura* *vu* *nusu* *le*.”

30 Vuma na n *yuwusain* *adanshi* *a* *aci* *a* *yi* *a* *ḍaḍa* *nda* *ana* *n* *dammai*, ‘*Za* *na* *a* *matsain* *aḥapa* *a* *va* u *la'a* *mu* *ta* *tsugbain*, *adama* *a* *na* u *ta* *lo* *wuma* *kafu* *a* *yuwan* *ekpe'win* *a* *na* *a* *matsan* *mu*.’

31 N *reve* *ko* *ayi* *ḍa* *shi*, *amma* *n* *yuwusan* *ta* *urumbusu* *na* *mini*, *tsara* n *zuwa* *ama* *a* *Isra'ila* *e* *reve* *ko* *zane* *ḍa* u *ri*.”

32 Reve Yahaya *damma*, “*Me* *ene* *ta* *Ruhu* *cipai* *diga* *zuva* *oroci* *a* *muda* *avu* u *telee* *yi*.”

33 N *shi* *n* *reve* *ko* *na* *ayi* *ḍa* *shi*, *amma* *ana* *Ḃsula* *a* *lyungu* *numu* *n* *rumbusu* *na* *mini*, u *damma* *mu* *ta*, ‘*Na* *ve* *ene* *Ruhu* *va* *Akiza* *a* *cipusa* *reve* u *telee* *vuma* *ro*, *vuma* *na* *yaa* *zama* *ḍaḍa* *ndolo*. *Āyi* *ḍa* *za* *na* *tsu* *rumbu* *na* *Ruhu* *va* *Akiza*.’†

34 *Me* *ene* *ta* *ana* *ili* *i* *nda* *i* *farai* *na* *Yesu*. *Adama* *o* *ndolo* *n* *ta* *dansaa* *ḍu* *amayun* *a* *na* *ayi* *ḍaḍa* *Mawun* *ma* *Ḃsula*.”

Ojoro o ofaru e Yesu

35 Ana usana u *tawai*, Yahaya *dana* *ta* *ḍe* *oḅolo* *no* *ojoro*† *e* *re* *a* *yi* *a* *yuwusan* *urumbusu*.

36 Ana *we* *ene* *Yesu* *a* *mmalu*, *reve* u *damma*, “*Apa* *Magiri'i* *ma* *Ḃsula*!”†

37 Ojoro'o a uwwa ta ana Yahaya dammai ne, dafa o toniyi Yesu.

38 Ana u vadalai avu we ene le o tonishi yi, dafa we ece nle, "Nye da i ri e izami?"

Reve a usu, "Rabbi,† te da vu ri na nden?" ("Rabbi" urevu wa yi ayi da "Manlu.")

39 Reve u usu, "Tawai ye ene." (A mantsa ma rumu nashi vu ulivu da.) Reve o toni e ene ubata'a, reve a danu obolo hali urana u koto.

40 Vuma ta atsuma o ojoro'o ayi da Andarawu mawun ma anawu ma Simo Bituru.

41 Ili i na Andarawu fara yuwain ayi da u zami ta mawun ma anawu ma yi Simo, avu u damma yi, "Tse ene ta Zamawawa† na a yuwaan ntsu nzuwulai'!" (Na Tsuyahuda† a yuwan ta ulinga na "Zamawawa" waru unata u da u ri na Tsuheleni† "Kristi.")

42 Avu Andarawu tara yi a tyo ubata u na Yesu ri.

Ana Yesu kalyuwa niyi avu u damma, "Avu da Simo, aala a dada va wu a da Yahaya.† A ta de wu Kefa." (Ayi "Kefa" ili i ta i da na "Bituru.")

Yesu dangwa ta Filibu na Nataniya

43 Ana usana u tawisai, reve Yesu jiyani u kara a tyo Galili. Ana we enei Filibu, avu u damma yi, "Toni mu."

44 Besaida lyuci na Filibu utai da, waru lyuci va Andarawu na Bituru da.

45 Ana Filibu 'yawa cinai Nataniya avu u damma yi, "Tse ene ta vuma na Musa danai adama a yi atsuma a Wila. Waru amasula a dana ta adama a yi. Ayi da Yesu ulobo wa Isuhu, waru Nazara da lyuci va yi."

46 Amma Nataniya damma ta Filibu, “A ta tsura ili i sa'ani a lyuci va Nazara?”

Reve u usu, “Tawa ve ene.”

47 Ana Yesu enei Nataniya a tawa yi, reve u damma, “Apa ugundo wa amayun a nkaya n tsu aza a Isra'ila.† Ayi za yipaalishi i da shi.”

48 Avu Nataniya ece yi, “Cine tsa da vu reve numu?”

Avu u usu yi, “Me ene wu ta nden e ikyun yu ubiri, kafu Filibu de wu.”

49 Dada Nataniya usu niyi, “Manlu, avu dada Mawun ma Asula. Avu da Mogono ma aza a Isra'ila.”

50 Reve we ece yi, “Vu usu mu ta adama a na n dammai me ene wu ta e ikyun yu ubiri? Vu te ene ili i gbagbain i na i la'ai nda.”

51 Dada Yesu damma nle, “Amayun a da maa dansaa du, i te ene zuva ukpatu'u, avu waru nlingata ma Asula n dana a 'yawusa na a cipi e ekere a Mawun ma Vuma.”†

2

Mini ma kambai masayan ma inabi

1 O urana wa ta'atsu, avu a yuwan abuki o lolo a lyuci va Kana atsuma a Galili. Mma va Yesu dana ta pe.

2 A banu ta Yesu obolo no ojoro a yi fo.

3 Ana masayan ma inabi† mo kotoi, dada mma va yi tsu damma yi, “Masayan mo koto ta.”

4 Reve Yesu usu, “Mma, nye i da i bura numu na adanshi a nda? Mantsa ma va mo koto ma yuwan na maa yuwan ili i nda shi.”

⁵ Reve mma va yi damma agbashi, “I yuwan ili i na u damma ndu i yuwan suru.”

⁶ Nu ufaru, Asula a ca ta aza a Isra'ila wila cine aa dana a yuwusan wuzau. Adama o ndolo ama o u'wa'a a dana ta na ara'atsu a mini a tali, aza a na e she'ein na atali. Ura'atsu suru u tsu gura ta tara ndele m mini ushin a tyo mata'atsu.

⁷ Avu Yesu damma agbashi'i, “Shitoyin ara'atsu'u na mini.” Dada o shitoyin le tapu hali a tyo o una.

⁸ Dada u damma nle, “Gogo kenei wa'a, reve i ca zagbain va abuki'i.”

Reve gba a yuwan ne.

⁹ Ana u pedei, mini'i u kamba ta de masayan ma inabi. U reve ubata u na masaya'an wu utai shi, amma agbashi a na a tawayi na mini'i e reve ta. Dada u deyi vali vu kasa'avu'u,

¹⁰ reve u damma yi, “O ufaru wa abuki o lolo ama a tsu fara ta ne'eshen masayan ma na ma la'ai uyo'o. A tyo de no o sowo masayan lon, avu e ne'eshen za na rawai ayi ndolo uyo'o shi. Agba avu vu soko ta masayan ma na ma la'ai uyo'o hali a tyo gogo.”

¹¹ Adama o ndolo atsuma a Kana va Galili da Yesu fara yuwain ulinga wi iroci ya asalamat yu ufaru. Lo da u rocoi tsugbain tsai yi, reve gba ojoro a yi a usu yi.

¹² Ana ayi ndolo kotoi, avu u kara a tyo a lyuci va Kafarnahum obolo na mma va yi, na aza a yi, obolo no ojoro a yi. A danu ta de rana meketeci.

*Yesu lapula ta Aa'isamapada
(Mat. 21:12-13; Mak. 11:15-17; Luk. 19:45-46)*

13 Avu Yesu ka ra a tyo Urishelima adama a na mantsa ma Abuki a Mapasa ma yuwan ta zuzu.

14 Ana u 'ya wai a Aa'isamapada, avu u cina ama a winasa inan, ni ikyon, o bolo na nrukuku. We ene ta waru ozo o ro o otogu a kita'usa ikebe icu'un icu'un.

15 Avu u kene amunga reve u munga aasudu. Dada u loyi ama'a suru atsuma a Aa'isamapada'a, o bolo ni ikyon ni inan i le. Avu wu kebe apada a aza a na a ri a kita'usa ikebe'e, reve u baza ikebe i le.

16 Avu u damma aza a na a winasa nrukuku, “Tawai ili i nda ubata u nda! She i kambato u'wa wa Dada va wo o'wo eden wan.”

17 Ana ili i nda i farai, reve ojoro a yi a cuwan ni ili i na i ri udan de nu ujimu atsuma a Adanshi a Asula:† “Icigi yu u'wa ya wu i to una mu.” ◇

18 Reve azagbain a aza a Isra'ila e ece yi, “Cu'un vi ili ya asalama i ne i da vaa yuwan, tsara vu roco tsu ubata u na vu tsurai ucira u na vu yuwain ili i nda?”

19 Avu u usu le, “Lungusai u'wa wa Asula u nda, waru n ta suwisa yi atsuma a rana ta'atsu.”

20 Reve a usu, “Ana a farai usaa wa Aa'isamapada† a nda, u ka ra ta a'wan amunga na aza a tali kafu o koto yi. Cine t sa da vaa gura suwisa yi atsuma a rana ta'atsu?”

21 Amma ana Yesu yuwain adanshi o “u'wa'a,” lipu va yi da u dana i a yuwusan adanshi.

22 Ana a 'ya san niyi atsuma a akwakwa, ojoro a yi a cuwan ta ana u dammai tsundolo. Dada a usuyi Yesu na Adanshi a Asula.

◇ 2:17 Ica 69:9.

Yesu reve ta cine ama a ri

²³ Ana Yesu danai pe atsuma a Urishelima adama a Abuki a Mapasa, ama na abunda a usu yi ta adama a na e enei iroci yi ili ya asalama i na u yuwusain.

²⁴ Yesu gba u reve ta majiyan ma na ma ri pe atsuma o okolo e le suru, agba u lyawa le a dangwaa yi ili i na waa yuwan shi.

²⁵ Ko vuma aa damma yi majiyan ma ama shi, adama a na ayi na aciyayi u reve ta majiyan me le.

3

Nikodimu tawa ta ubata wa Yesu

¹ Atsuma a Azagbain a Mbara,† vuma ro dana ta pe za na a tsu de Nikodimu, ayi Mafarishi ma da.

² U 'yawa ta ubata wa Yesu na ayin, avu u damma, “Zagbain, tsu reve ta Asula a lyungu wu ta ubata u tsu adama vu rito tsu. Babu za na aa gura yuwan iroci yu ulinga ya asalama i na vaa yuwusan, she na Asula a ri o'olo na ayi.”

³ Reve u usu, “Amayun a da maa dansaa wu, babu za na aa uwa o tsugono tsu Asula† she na a matsan yi ure.”

⁴ Avu Nikodimu damma, “Amma na vuma o o'wo de aabara, cine aa gura matsisan yi? Waa uwisa aatsuma a mma va yi waru shi. Cine aa yuwan avu a matsisan vuma we ire?”

⁵ Reve u usu, “Amayun a da maa dansaa wu, babu za na aa gura uwa atsuma o tsugono tsu Asula, she na a matsisan yi umatsun we ire na mini na Ruhu.

⁶ Ili i na vadilima matsain vadilima da, amma ili i na a matsain atsuma a Ruhu, Ruhu da.

⁷ She vu yuwan asalama wan a na n damma nuwu, 'Ni i 'yuwan i ciga aā dāshi matsisan dū.'

⁸ Upepu u tsu toni tā ubāṭa u na u cigai, waru vu tsu uwwa tā ilama ya yi, agba vu reve ubāṭa u na wu utai shi, agba vee reve ubāṭa u na wee tyo shi. Ne da u ri na vuma na Ruhu matsain."

⁹ Reve Nikodimu ece, "Cine ili i ndolo yaa fara?"

¹⁰ Dada u usu niyi, "Avu manlu ma gbain ma da vu ri atsuma a Isra'ila. Nye i zuwai vu kudai e reve ili i nda?"

¹¹ N damma wu amayun, tsu yuwan tā adanshi e ili i na tsu revei, waru tsu damma tā ili i na tse enei ne esu a tsu, na ne suru i usu ili i na tsu damma ndu shi.

¹² N damma dū tā adama e ili yu uvadi suru, agba i usu shi. Adama o ndolo yaā usu shi, ko na n yuwaan dū adanshi e ili i na i ri de zuva.

¹³ Amu da Mawun ma Vuma,† za na utai zuva goon, agba ko za koto 'yawa de shi.

¹⁴ Cine Musa† 'yasaïn yo vu rumushili atsuma o una, ◇ ne da fo a ciga a 'yuwan aā 'yasaïn Mawun ma Vuma,

¹⁵ tsara za na ushi niyi no okolo a tā u tsura wuma u babu ukotu.

¹⁶ "Adama e icigi i na Asula a yuwayin uvadi, dada u cayi Mawun ma tā mā yi goon, adama a za na ushi niyi suru u kuwa wan, agba u tsura wuma u babu ukotu.

¹⁷ Asula a lyungu Mawun mā yi atsuma o uvadi tsara u kototo ama shi. Amma u lyungu yi tā adama u wawa ama.

¹⁸ Aa yuwaan aza a na a ushiyi Mawu'un uge'etosu shi. Amma a yuwaan tā de aza a na a

◇ 3:14 Mkc. 21:9.

ushi niyi shi uge'etosu, adama a na a zuwai okolo e le e ekere a Mawun mā tā mā Asulā shi.

¹⁹ Apa ili i na i zuwai uge'etosu u ri lo adama e le: Ekan ā tāwā tā atsumā o uvadi, agba a ciga yi shi. Irumbu i dā a cigai, adama a na linga le iwuya i dā.

²⁰ Aza a na a yuwusan iwuya a 'yuwan tā ekan, waru a ciga a rawa ubatā we eka'an shi, adama a na a ciga vuma reve iwuya i na aa yuwusan shi.

²¹ Aza a na a yuwusan wuma wā ābulā ā tsu tāwā tā ubatā e ekan, ama suru ā tsu reve tā a na a yuwusan ili i na Asulā a cigai.”

Yahaya cuwa tā Yesu

²² Ana o kotoi ili i ndolo, reve Yesu no ojoro ā yi ā 'yāwā upasu wa Yahuda, ubatā u na u danuyi obolo ne ele ne'en wa'a. Waru u yuwusaan tā ama urumbusu.

²³⁻²⁴ A mantsa'a koto ā shi a zuwa Yahaya† atsumā o u'wa wa ali shi. U rumbusu tā ama a Ayino, adama a na mini mā ābundā mā danā tā lo. (Ubatā'ā u la'ashi alanga nā Salima shi.) Ama ā 'yāwusā tā yā'ā yi, waru u rumbusu le tā.

²⁵ Atsumā o ojoro a Yahaya ozo o ro a uwa tā mawasan nā vuma va Isra'ila ro adama ā wuzā'u.

²⁶ Reve ā 'yāwā a damma Yahaya, “Manlu, vuma na ve enei ā m̄bangā mu Udolu wā Urdu, vuma na vu dammaī āyi dā Kristi Zamawawa, āyi fo u tā rumbusu ama. Waru ama suru ā tā 'yāwusā yā'ā yi, agba ā tāwā ubatā u tsu shi.”

²⁷ Ayu u usu, “Vuma tsu tsurā tā ili i na Asulā a ca niyi goon.

28 Adu yu uwwa ta ana n dammai, ‘Amu da Kristi† Zamawawa'a shi, amma amu da za na Asula a lyunguyi n lapula ure adama a yi.’ ◇

29 Kasa'avu tsu 'yawa ta ubata u na vali vu kasa'avu ri. I'utsa i vali'i u tsu zangana ta obolo na ayi, na wu uwwa ucyo wa yi. Amu i'utsa i vali vu kasa'avu i da, n yuwan ta mazanga ma abunda a na u lyuwai aci.

30 Ayi gba na a ciga a 'yuwan u dashishi, amu waru n jebushe.”

Za na tawai diga zuva

31 Reve Yahaya lyuwa elime na adanshi u damma, “Za na tawai diga zuva u la'a ta ama suru tsugbain. Za na tawai diga o uvadi za vu uvadi da, waru adanshi o uvadi a da u ri a yan. Za na gba tawai diga zuva u la'a ta ama tsugbain suru.

32 U damma ta ili i na we enei ni ili i na wu uwwai, agba ama a usu ili i na u dammai shi.

33 Vuma na ushiyi ikaka ya yi, u roco ta u usu ta ili i na Asula a dammai amayun a da.

34 Vuma na Asula a lyunguyi u tsu damma ta adanshi a Asula, adama a na Asula a ca yi ta ucira u Ruhu va yi tapu.

35 Dada u ciga ta Mawun lon, dafa u ca niyi ucira a aci e ili suru.

36 Vuma na ushiyi Mawu'un u ta tsura wuma u babu ukotu, amma aza a na a yuwain tsutoni na Mawu'un shi, aa tsura wuma shi. Ama o ndolo a ta dana o sowuso atsumalima e ekere a Asula babu ukotu.”

◇ 3:28 Yah. 1:23; Isha. 40:3.

4

Yesu yuwan ta adanshi na ka va Samariya

¹ Yesu tsurusa ta aza a na a ususu niyi reve u rumbusu le. Reve Afarishi a uwwa a na aza a na oo tonon yi'i a la'a ta aza a Yahaya abunda.

² (Yesu rumbusu ama'a na aciyayi shi, amma ogoro a yi a da u zuwai a rumbusu le.)

³ Yesu reve ta a na Afarishi a uwwa ta adama a yi, da da u lyawai Yahuda, reve u reme mmalu a kamba Galili.

⁴ Ure'e wu utulai ta nu upasu wa Samariya.†

⁵ Ayi a mmalu upasu'u, avu u rawa lyuci na a tsu de Saka, za na ri zuzu ni ida i na Yakubu cayi Isuhu mawun ma yi.

⁶ Urana a tyo aci da da Yesu rawai ooko'o a Yakubu. Avu u kuna adama a mmalu ma alanga n na u yuwain, da da u danuyi zuzu no ooko'o'o.

⁷⁻⁸ Ana ogoro a yi a uwai a lyuci a tsula ilyalya, avu ka va Samariya ro tawa o ooko'o'o adama u kene mini. Da da Yesu damma niyi, "Ne'e mu mini n sowo."

⁹ Reve u uwa asalama adama a na aza a Isra'ila a tsu kiralai na ama a Samariya shi. Da da u damma niyi, "Avu vuma va Isra'ila da, amu gba ka va Samariya da. Adama a nye vaa pati mu mini mo oso?"

¹⁰ Avu u usu yi, "Vu reve ili i na Asula a cigai u ca wu shi, waru vu reve vuma na aa patishi wu mini shi. Na shi vu reve, vu shi ta pati mu mini ma wuma."

¹¹ Avu u damma, "Zagbain, vu ri na aaguga shi, waru ooko'o'o u ta aru'un. Te da vaa tsura mini ma wuma'a?"

12 Akaya a tsu Yakubu† da kapaa ntsu ooko'o'o, reve ayi na ama o u'wa a yi ni inama ya aguba ya yi o sowo mini o ooko'o a nda. Vu la'a ta Yakubu tsugbain?”

13 Avu Yesu usu, “Za na suru sowoi mini mo ooko'o a nda u ta dashi uwwa akuli.

14 Amma aza a na oo sowo mini ma na maa ca le aa dashi uwwa akuli shi. Mini ma na maa ca le u to o'wo gashi lyusu mini pe atsuma e le, za na aa ca le mini ma wuma u na woo koto shi.”

15 Reve u damma yi, “Zagbain, ca mu mini'i adama n dashi uwwa akuli wan. Waru adama n dashi tawa pa mekene ma mini wan.”

16 Avu u damma yi, “Yawa vu de vali va wu avu i tawa ra.”

17 Reve u usu, “N ri na vali shi.”

Avu Yesu usu, “Amayun a da a na vu dammai vu ri na vali shi.

18 Vo olo ta de ali o ton, agba za na vu ri nden na ayi gogo, vali va wu da shi. Vu damma mu ta amayun.”

19 Reve u damma, “Zagbain, n reve ta avu vumavasula da.

20 Nkaya n va n yuwaan ta Asula aganda a Masasan ma Gerizim, agba adu aza a Isra'ila i damma ta Urishelima da goon ubata u na aa yuwan aganda.”

21 Avu u damma yi, “Usu mu, ka, mantsa mo ta lo a tawa ana ama aa yuwaan Dada aganda ko a masasan ma nda ko atsuma a Urishelima shi.

22 Adu aza a Samariya ke'en da i revei adama a za na yaa yuwusaan aganda, atsu gba aza a Isra'ila tsu reve ta ili ya abunda adama a yi, adama a na

a za a Isra'ila a da aa damma cine Asula aa wawusa ama.

²³ Mantsa mo ta lo a ta_wa, amayun, mantsa'a ma rawa ta de, ana Ruhu va Asula aa zuwa ama a yuwaan Asula aganda ununa ayi u ri. Ele da aza a na Dada cigai a yuwaan yi aganda.

²⁴ E tse ene Asula shi, adama o ndolo aza a na a yuwaan yi aganda na a 'yuwan a ciga a yuwaan yi na yeni ye esu wan, amma atsuma a ruhu na amayun.”

²⁵ Avu ka'a u damma, “N reve ta a na Zamawawa ri lo a ta_wa. Ayi da za na a tsu de Kristi. Nu u ta_wa, u ta cu_{du}wa tsu ili biti.”

²⁶ Avu Yesu damma, “Amu, za na aa yuwusan adanshi gogo'o, amu da ayi.”*◇

Ojoro a kambu ta o ooko'o

²⁷ A mantsa'a, reve ojoro e Yesu a kambushi, reve a uwa asalama a na a cina niyi a adanshi na ka'a. Agba ko vuma ta gura ece ka'a, “Nye vu cigai?” shi. Ko e ece Yesu, “Nye i zuwai vaa yuwusan adanshi na ayi?” shi.

²⁸ Avu ka'a u lyawa lo meden ma mini ma yi o ooko'o. Reve u kambu a lyuci da_{da} u dammai ama suru,

²⁹ “Tawai ye ene vuma na damma numu ili i na n yuwain de suru! Ko u ta gura o'wo ayi da Kristi Zamawawa'a?”

³⁰ Reve o uta a lyuci a 'yawa ya Yesu.

³¹ Ele atsuma e ili i ndolo, avu ojoro e Yesu a uwa a dansaa yi, “Manlu, yuwan ankuri, lyuwa ili i ro.”

* **4:26** Aza a Isra'ila e reve ta danshi “amu da” aala a Asula a da. Pa nda Yesu to rocosu ka'a ayi da Zamawawa'a. ◇ **4:26** Mta. 3:14.

³² Avu gba u damma le, “N ta ni ilyalya i na i revei shi.”

³³ Reve a uwa mecilei, “Vuma ro ta_{waa} yi ta de ni ilyalya?”

³⁴ Avu u damma, “Ya'a va, nna n yuwan ili i na za na lyungu numu cigai n yuwan ili i ta i da ni ilyalya, waru ya'a va nna n koto ulinga wa yi ili i ta i da ni ilyalya.

³⁵ I ta nu udammu, ‘Na a yuwan woto nashi ama o to boloto a yuwan ugasa!’ Amma n ta dansaa du i ka_{lyuwa} mejege, i te ene a na ishina i kutsai azama ugasa.

³⁶ Za na ri o ugasa u ta ushishi atsupu, waru u to bolotosu itana yu u_{duma} adama a wuma u na woo koto shi. Adama o ndolo a mantsa ma ta za vu ca'an na za vu ugasa a ta ma_{zanga} obolo.

³⁷ Pa nda udammu u nda amayun a da, ‘Vuma ro a cu'usan, za ro waru o ugasa.’

³⁸ N lyungu du ta i gasa ili i na i lingai shi. Ozo o ro a da a yuwain ulinga'a, adu gba avu i koso ulinga u le, waru reve i tsura akunda a du.”

Ama a Samariya na abunda a ca ta okolo

³⁹ Reve ama a Samariya a lyuci ndolo na abunda a ca Yesu okolo e le adama e ili i na ka'a u dammai, “U damma mu ta ili i na n yuwain de biti.”

⁴⁰ Ana aza a Samariya a rawai ya Yesu, reve a pati yi u danu ne ele, dada wa asai pe ayin e re.

⁴¹ Reve ama na abunda a ca okolo adama e ili i na u dammai.

⁴² Avu a damma ka'a, “Nu ufaru tsu ca ta Yesu okolo adama a adanshi a wu, amma gogo tsu ca ta okolo adama a na tsu uwwa niyi na aciyatsu.

Tsu reve t̄a a na vuma nda na amayun ayi da Zamawawa vu uvadi.”

*Yesu kambatoī mawun ma zagbain gbaga
(Mat. 8:5-13; Luk. 7:1-10)*

⁴³ Ana a yuwain ayin e re'e, reve Yesu karā a t̄yo Galili.

⁴⁴ (U damma t̄a de, a na vumavasulā tsu tsurā tsugbain ā lyuci vā yi shi.)

⁴⁵ Ana u rawai Galili, reve ama o upasu'u ā ushi yi. E ene t̄a de ili i na u yuwain ā Abuki a Mapasa atsumā ā Urishelima adama a na ā shi t̄a de fo.

⁴⁶ Ayi atsumā ā Galili, reve u kambā ā malyuci ma Kana ubatā u na u kambatoī mini masayan. Vuma ro za tsugbain ubatā u mogono t̄a nden ā lyuci va Kafarnahum, ulobo wā yi u tu ubanakun.

⁴⁷ Ana wu uwwai a na Yesu ut̄a t̄a diga Yahuda avu u rawa Galili, avu u rawa ya'ā yi, avu u pati yi u tawā Kafarnahum u kambato mawun mā yi gbaga, adama a na mawu'un u shi a gan makuwaā.

⁴⁸ Avu Yesu damma yi, “Nā ye ene iroci yi ili ya asalama ni ili i sa'avu shi, yāā usu shi.”

⁴⁹ Reve zagbai'in u damma yi, “Manlu, tawā kafu mawun mā vā mā kuwā.”

⁵⁰ Dada u damma niyi, “Wala ā t̄yo o u'wa, mawun mā wu māā kuwā shi.”

Reve vuma'a u usu ili i na Yesu damma niyi, avu u karā ā t̄yo o u'wa.

⁵¹ Ayi ā t̄yo, reve agbashi ā yi a ga'aton yi avu a damma yi, “Mawun mā wu mā baruwā t̄a.”

⁵² Avu we ece le mantsa ma na mawu'un u kambai gbaga, reve ā usu, “Ubanaku'un u lyawa yi t̄a yon rumu t̄a vu urana.”

⁵³ Dada'a u reve ta a na na rumu ta gan da Yesu dammai, “Mawun ma wu maḡ kuwa shi.” Dada vuma'a na aza a na a ri nden o u'wa wa yi suru a cayi Yesu okolo e le.

⁵⁴ Ayi da ulinga wa asalama† we ire u na Yesu yuwain a Galili ana wu utai Yahuda.

5

Yesu yuwain opocino urana wa Ashibi

¹ Ana ili i ndolo i kotoi, avu Yesu kara a tyo Urishelima adama a abuki† a aza a Isra'ila o ro.

² Atsuma a lyuci'i, mabata ma na a tsu de Beteseda na Tsu'arama† ma dana ta lo zuzu nu unantsu u na a tsu de Unantsu wi Ikyon. A yuwan ta kwa'a a mukisa n ton ukandaruwu a mabata'a.

³ A mukisa n ndolo, aza o ubanakun na abunda a tsu danusu ta lo, ozo o ro nrumba n da, ozo o ro waru akutsuma, ozo o ro waru gba shi ozo o osowi a lipu. [A ta pura mantsa ma na malingata ma Asula ma lukuta mini'i

⁴ adama a na mantsa a tyo mantsa malingata'a ma tsu cipa ta a mini'i, reve u lukuta yi. Nu u lukuta yi u koto, avu vuma na fara dasai pe reve u tsura opocino a banakun na a damatosun yi suru.]*

⁵ Vuma ro dana ta lo ubanakun a'wan mata'atsu na kunla.

⁶ Yesu ene yi ta nven, avu u reve a na vuma ndolo jima ta ubanakun. Dada we ece niyi, “Vu ciga ta voo o'wo gbaga?”

⁷ Avu u usu, “Zagbain, u ri n yuwan shi, adama a na n ri na za na ee shede mu a uwa a mini'i shi,

* **5:4** Akuci a atagada a ri na guzu nda shi.

mantsa ma na a lukutai mini. Na n ciga ma'uwaa avu nanza fara uwaa mu.”

⁸ Reve u damma yi, “Yon mishin, vu tara aavalu a wu, avu vu wala.”

⁹ Babu usan avu vuma'a u kambushi gbaga. Avu u tara aavalu a yi reve u kara.

Urana wa Ashibi u da ili i ndolo i farai.

¹⁰ Ana azagbain a Isra'ila e enei vuma ndolo na aavalu a yi, dada a damma niyi, “Ana'an Ashibi a da! Wila u lyawa a na vuma ro a tanu aavalu a yi o urana wa Ashibi shi.”

¹¹ Avu u usu, “Vuma na kambato numu gbaga u damma mu ta, ‘Tara aavalu a wu, avu vu wala.’ ”

¹² Reve e ece yi, “Vuma ne da damma nuwu vu yuwan cu'un vu ulinga u nda?”

¹³ Agba u reve ko vuma ne da kambato niyi gbaga'a shi, adama a na ama a dana ta lo abunda lon, waru cina Yesu kara de sanyi.

¹⁴ A 'yawa de, avu Yesu ga'an na vuma'a a Aa'isamapada avu u damma yi, “Kalyuwa, vo o'wo ta gbaga gogo. Vu lyawa mayan mo unusu tsara ili i na i la'ai ili i nda i cina wu wan.”

¹⁵ Reve vuma'a u 'yawa u damma azagbain a na Yesu da kambato niyi gbagba.

¹⁶ Adama o ndolo, reve azagbain a Isra'ila a fara a casu Yesu atsumalima a na u ta yuwusan cu'un vi ili i ndolo o urana wa Ashibi.

¹⁷ Avu gba Yesu damma le, “Kuci da Dada va aa yuwusan ulinga, ne da fo maa lyuwa elime nu ulinga.”

¹⁸ Adama o ndolo, avu azagbain a Isra'ila a zamishi ure u na o una yi, adama a na u 'yuwain o toni wila wa Ashibi. Amma ili i na i la'ai uwuyanu

ayi da, u damma ta Asula a da Dada va yi, za na zuwa niyi wo o'woi unata na Asula.

Dada ca ta Mawu'un ucira

¹⁹ Avu Yesu usu, “N damma du amayun, babu ili i na Mawun waa yuwan na aciyayi, amma ili i na we enei Dada a yuwusan, dada fo waa yuwusan. Ili i na Dada yuwain suru, dada fo Mawun u tsu yuwan goon.

²⁰ Dada u ciga ta Mawu'un, dada u roco niyi ili i na waa yuwusan suru. Waru u to roco yi ili i na i la'ai nda mgbain, tsara suru n du yo o'wo a asalama.

²¹ Cine Dada tsu 'yasan ama atsuma a akwakwa avu u ca le wuma, ne da fo Mawu'un waa ca aza a na u dangwai wuma.

²² Babu vuma na Dada u ge'etoi, amma u zuwa ta Mawu'un za vu uge'etosu wa ama suru.

²³ Dada ciga ta ama suru a ca Mawu'un tsugbain, cine a ca niyi tsugbain. Na ama a 'yuwan a ca Mawu'un tsugbain, unata u da a na a 'yuwain a ca Dada za na lyungu niyi tsugbain.

²⁴ “Amayun a da maa dansaa du, vuma na uwwai ili i na n dammai avu u usu za na lyungu numu, u ta na wuma u babu ukotu. O kototo vuma ndolo shi, amma u pasa ta ukwa a tyo wuma.

²⁵ Amayun a da maa dansaa du, mantsa mo ta lo a tawa waru u ta pa ana akwakwa aa uwwa ufo u va Mawun ma Asula, aza a na a uwwai a ta tsura wuma.

²⁶ Dada da ri nu ucira u na waa ca wuma, waru u ca ta de Mawu'un cu'un vu ucira u ndolo.

27 Waru u ca t̄a d̄e Mawu'un ucira u na wee ge'eto ama suru, adama a na āyi Mawun ma Vuma ma d̄a.

28 “She yo o'wo a asalama adama a nda wan. Mantsa mo t̄a lo a t̄aw̄a ana ākw̄akw̄a ātsumā a ason aa uwwa ud̄yo w̄a yi,

29 āvu o ut̄a ātsumā a ason. Aza a na a yuwain isa'ani a t̄a 'yon a tyo a wuma, aza a na gba a yuwain iwuya a t̄a 'yon a tyo ub̄at̄a u na oo kototo le.”

Yesu Mawun mā Āsul̄a ma d̄a

30 Āvu Yesu lyuwa elime na adanshi, “Babu ili i na maa yuwan na aciȳav̄a. Dada d̄a lyungu numu, āyi d̄a waru za na roco numu cine mee ge'eto. N tsu ge'eto t̄a ulobonu, adama a na n ta yuwusan itoni nā āyi, waru n tsu yuwan ili i na maa uwwaa aciȳav̄a uyo'o shi.

31 “Nā āmu d̄a n yuwain adanshi adama a aciȳav̄a goon, babu za na aa zuwaa mu atsuvu.

32 Amma za na aa yuwusan adanshi adama a v̄a t̄a lo, waru n reve t̄a adanshi adama a v̄a amayun a d̄a.

33 “I lyungu t̄a nlingata a 'ȳaw̄a ya Yahaya, āvu gba u damma le amayun.

34 Ko na wo o'woi adanshi a vad̄ilim̄a o roco ko zane d̄a n ri shi, amma n yuwaan d̄u t̄a adanshi ne ele adama i tsur̄a iwawi.

35 Yahaya ikanasa t̄a gashi fitila na a dābai, waru i z̄anḡan̄a t̄a a na a ca nd̄u ekan ā yi a mantsa wa'a.

36 “Amma ili i gbain i ro i t̄a lo i na i la'ai Yahaya i na yoo rocosu amayun adama a v̄a. N ta yuwusan adama e ili i na Dada zuwa numu n yuwan! Ili i

nda suru i to rocosu a na Dada da za na lyungu numu.

³⁷ Dada na lyungu numu fo ta yuwusan adanshi adama a va, agba koto yu uwwa ufo ko ye ene yi shi.

³⁸ I zuwa adanshi a yi o okolo a du shi, ayi da i zuwai adu i kudai a usu a na amu da za na u lyunguyi.

³⁹ I te petelyuwushe atsuma a Adanshi a Asula a majiyan i ta tsura wuma u babu ukotu. Adanshi a Asula a nda waru u yuwan ta adanshi a va!

⁴⁰ Suru na ne i 'yuwan ta a tawa ya'a va, tsara n ca du wuma u babu ukotu.

⁴¹ “N ri e izami yi ica ya ama shi.

⁴² Amma n reve du ta. N reve ta ko vuma ta atsuma a du ciga Asula shi.

⁴³ N tawa ta atsuma a ala a Dada, agba i usu mu shi. Agba i tsu usu ta ama a na a tawai adama a aciyele.

⁴⁴ Vani du i tsu ciga ta i tsura ica ya aciyadu, agba i tsu yuwan atyo a na yaa yuwan, tsara i tsura ica e ekere a Asula goon shi. To, cine yaa usu mu?

⁴⁵ “Agba amu da maa 'yawa na adanshi a du ubata wa Dada shi. Musa da aa 'yawa na adanshi a du! Ee, Musa za na yaa zuwusa okolo waa kamba du.

⁴⁶ Musa dana ta adama a va. Ni i shi i usu Musa, i shi ta usu mu.

⁴⁷ Ni i usu ili i na Musa danai shi, to, cine yaa usu ili i na n dammai?”

6

*Yesu lyuwato ta ama ukpakukupa uton
(Mat. 14:13-21; Mak. 6:30-44; Luk. 9:10-17)*

¹ Ana ili i ndolo i farai, avu Yesu kara a tyo upasalai u Mala ma Galili (za na a tsu de Mala ma Tibariya).

² Abajini o obolo o toni yi ta, adama a na e ene yi ta de ana u yuwain iroci yi ili ya asalama, ana u kambatoi aza o ubanakun gbaga.

³⁻⁴ Mantsa ma Abuki a Mapasa ma aza a Isra'ila ma yuwan ta zuzu, avu Yesu 'yawa a masasan obolo no ojoro a yi, reve a danu.

⁵ Ana Yesu enei abajini o obolo a ama a tawa ubata wa yi, reve we ece Filibu, “Te da tsaa tsura ilyalya i na tsaa lyuwato ama a nda?”

⁶ (Yesu ece ta Filibu yeci i nda, tsara u lyungwa yi, adama a na u reve ta de ili i na waa yuwan.)

⁷ Avu Filibu usu, “Ikebe yu ulivu ukpakure (200)* aa gura tsula ilyalya i na za suru a lyuwa ko ke'en shi.”

⁸ Atsuma o ojoro a yi, reve Andarawu mawun ma anawu ma Bituru ma damma,

⁹ “Apa ulobo u ro za na ri no opopofu a yitabot o ton na mugula mu u'yewu n re. Agba ko cine a yuwain aa rawa le shi.”

¹⁰ Avu Yesu damma le, “Dammai ama'a a danu.” Ubata'a u dana ta na anlya o utanu lon. Ali ukpakukupa uton (5,000) u da a danuyi ubata u ndolo'o.

¹¹ Reve Yesu tara opopofu'u, avu u godyoo Asula adama a na u ca nle. Avu u ca e ne'eshen ali a na a ri lo nden. Ne da fo u yuwain na mugula'a, hali suru nle a tama a cuwan.

* **6:7** Danshi na a yuwayin ulinga pa nda na Tsheleni ayi da “dinari ukpakure (200).” Kalyuwa Ucufuwu wi “Ikebe.”

¹² Ana a tamai a cuwain, daɗa u dammai ojoro a yi, “Bolotoi akapi a na a buwai. She tsu lungusaɗi ko ili wan.”

¹³ Daɗa o bolotoi akapi o opopofu a yitabo a na a buwai, aɗu o shiton asaka kupa ne ejere.

¹⁴ Ana ama e enei ili ya asalama i na Yesu yuwain, reve a damma, “Amayun, aɗi daɗa Vu-mavasula langa na ri lo a tawa atsuma o uvadi.”

¹⁵ Yesu reve ta a na ama a ri e ifobi tsara a tawa a kambato yi wo o'wo mogono me le nu ucira, daɗa gba u karaɗi a tyo a agadi aɗi a nde'en.

Yesu wala ta a mini

(Mat. 14:22-33; Mak. 6:45-52)

¹⁶ Ana urana u riyai, reve ojoro a yi a kara a cipa zala mala.

¹⁷ Ana ubata u rumbanai, agba babu Yesu tawa ubata u le. Aɗu a uwa a wantsun adama a pasalai a tyo Kafarnahum.

¹⁸ A mantsa mo ndolo abajini o upepu a lapusa ta, aɗu u yuwusan abajini abajini e ikedu i mala.

¹⁹ Ana ojoro a luwai a tyo e memere ma mala'a,[†] aɗu e ene Yesu a mmalu zuva mini. Aɗu u lyuwa elime na mmalu a tyo ubata u na a ri, daɗa a uwwai woyon lon.

²⁰ Daɗa u damma nle, “Aɗu da. She yu uwwa woyon wan.”

²¹ Aɗu a shi a ciga a tara yi a wantsun. Babu usan, aɗu wantsu'un u rawa ubata u na a cigai a tyo.

²² Ana usana u tawai, ama a na a buwai upasu u ndede e reve ta a na wantsun u ta u da u shi de.

[†] **6:19** Aɗi ubata'a u damma ta, “mili ta'atsu ko aza a nashi.” Mili ta'atsu ko nashi unata u da u ri na kilomita ton ko tali.

E reve t̄a a na Yesu uwai pe a wantsu'un oḅolo no ojoro ā yi shi, amma ā kaṙa t̄a a lyawa yi.

²³ Antsun o ro o ut̄a t̄a d̄e ā lyuci va Tibariya, āvu e isawan zuzu nu ubat̄a u na Zagbain godyoyi Āsul̄a adama o opopofu a na ama a tamai.

²⁴ Ana oḅolo a ama e enei d̄e Yesu shi, ko e enei d̄e ojoro ā yi shi, āvu a uwa a antsun a pasa ā tyo a m̄banga ma Kafarnahum tsarā a zami yi.

Yesu da opopofu a wuma

²⁵ Ana ā 'yāwāi a cina niyi d̄e, reve e ece yi, “Manlu, cine vu yuwain dāda vu rawushi pa nda?”

²⁶ Dāda Yesu usuyi, “Amayun a da maa dansaa ḁu, i te izami i vā adama a na i tamai opopofu hali i cuwāin. Agba i ri e izami i vā adama a na ye enei iroci yi ili ya asalama i vā shi.

²⁷ She i zuwa ucira u ḁu e izami yi ilyalya i na yaa langa wan. Amma, i zuwa ucira u ḁu e izami yi ilyalya i na yaa ca wuma u babu ukotu. Āyi dāda ilyalya i na Mawun ma Vuma maa ca ḁu, adama a na Dada Āsul̄a o roco t̄a u usu t̄a Mawu'un.”

²⁸ Dāda e ece niyi, “Nye i dā Āsul̄a a ciga ntsu tsu yuwan?”

²⁹ Reve u usu, “Apa ili i na Āsul̄a a ciga nḁu i yuwan: I usu vuma na u lyunguyi.”

³⁰ Āvu a damma, “Nā vu ciga tsu usu wu, yuwaan tsu ili ya asalama. Nye vaa yuwaan tsu?”

³¹ Nkaya n tsu n tama t̄a mana† atsumā o una. A dāna yi t̄a pe atsumā a Adanshi ā Āsul̄a, ‘U ca tsu t̄a opopofu diga zuva tsarā tsu tama.’ ” ◇

³² Reve Yesu damma, “Amayun a da maa dansaa ḁu, Musa da za na ca nḁu opopofu diga zuva shi.

Dada vā dā za na aa casu opopofu a amayun diga zuva.

³³ Waru opopofu a na Asulā a cayi, ayi dāda za na tawai diga zuva reve u ca uvadi wuma.”

³⁴ Reve ama'a a usu, “Zagbain, ca tsu opopofu o ndolo kuci.”

³⁵ Dada Yesu dammai, “Amu dā opopofu a na a tsu ca wuma. Vuma na tawai ubata u vā suru waa dana na ambulu shi, waru za na usu numu suru waa uwwa akuli shi.

³⁶ N damma dū tā dē ye ene mu tā, agba suru nā ne i usu mu shi.

³⁷ Dada ca mu tā ama a vā, suru nle a tawā ya'a vā, agba maa 'yuwan le shi.

³⁸ N cipā tā diga zuva tsarā n yuwan ili i na Asulā a cigai n yuwan, agba ili i na n cigai shi.

³⁹ Apa ili i na za na lyungu numu ciga numu n yuwan: N ciga n 'yuwan n lamba ko vuma tā atsuma a aza a na Asulā a ca numu wan, n ciga n 'yuwan n 'yaşan le o urana wu ukosu.

⁴⁰ Aza a na e enei Mawu'un, avu a usu yi a tā tsurā wuma u babu ukotu, waru n tā 'yaşan le o urana wu ukosu. Ayi dā ili i na Dada vā cigai.”

⁴¹ Avu ama a uwa a yuwusan adanshawuya a aci a yi, adama a na u dammai, “Amu dā opopofu a na a cipai diga zuva.”

⁴² Avu a damma, “Ayi nda ayi dā Yesu, ulobo wā Isuhu. Tsu reve tā dada nā mma vā yi. Cine waa damma, ‘N cipā tā diga zuva?’ ”

⁴³ Dada Yesu aa damma, “Lyawai adanshawuya.

⁴⁴ Dada dā za na lyungu numu. Babu za na aa tawā ubata u vā, she nā Dada dē yi a tyo ya'a vā, waru n tā 'yaşan vuma ndolo o urana wu ukosu.

⁴⁵ Amasulā a dāna tā, ‘Asulā o to rito le suru.’ ◇
Za na zuwayi Dada atsuvu, avu u rito ili i na woo ritosu yi, u tā tāwā ya'a vā.

⁴⁶ Babu za na enei de Dada, she amu za na Asulā a lyunguyi. Amu da a nde'en goon me ene niyi.

⁴⁷ “N ta dansaa du amayun, za na usu numu suru u ta na wuma u babu ukotu.

⁴⁸ Amu da opopofu a na a tsu ca wuma.

⁴⁹ Nkaya n du n tama ta mana† o ogozo, a tyo de reve a kuwa.

⁵⁰ Apa nda opopofu a na a cipai diga zuva a tyo o uvadi. Vuma na tamai opopofu a nda waa kuwa shi suru suru.

⁵¹ Amu da opopofu a na a tsu ca wuma, za na cipai diga zuva. Vuma na tamai opopofu a nda suru waa kuwa shi. Opopofu a na maa ca du lipu va da, za na maa ca tsara ama o uvadi a tsura wuma.”

⁵² Avu aza a Isra'ila a uwa mawasan vāni le, adansa, “Cine tsa da vuma nda a ca tsu lipu va yi tsu tama?”

⁵³ Avu Yesu usu le, “N damma du amayun, ni i tama lipu Mawun ma Vuma waru i sowo mpasa ma yi shi, yaa tsura wuma u babu ukotu shi.

⁵⁴ Aza a na a tamai lipu va waru o sowoi mpasa n va, a ta tsura wuma u babu ukotu, waru n ta 'yasan le o urana wu ukosu.

⁵⁵ Lipu va ilyalya ya amayun i da, waru mpasa n va ili yo oso ya amayun i da.

⁵⁶ Aza a na a tamai lipu va waru o sowoi mpasa n va o to obolo na amu, waru amu n to obolo ne ele.

⁵⁷ Dada va za na ri wuma da lyungu numu, amu fo n ta wuma adama e ili i na Dada va yuwain.

◇ 6:45 Isha. 54:13.

Adama o ndolo, za na tama numu ta yuwan wuma adama e ili i na n yuwain.

⁵⁸ Amu da opopofu a amayun a na a cipai diga zuva. Vuma na tamai opopofu a nda suru, u ta tsura wuma u babu ukotu. Agba waa kuwa cine nkaya n du n kuwai shi, ko na a tamai mana.”†

⁵⁹ Yesu yuwan ta adanshi a nda suru ayi pe a yuwusan uritosu atsuma a aa'isa† a Kafarnahum.

Ama na abunda a lyawa ta itoni ya Yesu

⁶⁰ Ana aza a na oo tono Yesu a uwwai ne, avu a damma, “Ili i nda i tu usan u na vuma ee reve. Cine ama a usu adanshi a nda?”

⁶¹ Yesu reve ta a ta adanshawuya. Dada we ecei, “Ili i nda u bala du ta?”

⁶² To nye yaa jijan na ye ene mu, Mawun ma Vuma, a kamba zuva waru?

⁶³ Ruhu da tsu ca wuma u babu ukotu. Ucira u vuma waa gura yuwan ili shi. Adanshi a na n yuwain da a zuwa ndu i tsurai Ruhu va Asula, za na tsu ca wuma.

⁶⁴ Agba ozo o ro a du a ca okolo shi.” (O ufaru, Yesu reve ta de aza a na a cayi okolo shi, na vuma na aa wina yi.)

⁶⁵ Reve Yesu damma, “Adama o ndolo a da n dammai, ‘Na Dada tawaa na vuma ubata u va shi, vuma ndolo waa gura tawa shi.’ ”

⁶⁶ Adama e ili i na Yesu dammai, dada aza a na oo tono yi na abunda a vadalai, avu a lyawa itoni ya yi.

⁶⁷ Dada we ecei Kupanejere'e, “Adu fo i ta ciga i kara?”

68 Reve Simo Bituru usu yi, “Zagbain, ya zane da tsaa tyo? Vu ta ni idanshi i na i tsu ca wuma u babu ukotu.

69 Tsu ca ta okolo, waru tsu reve ta a na avu da Za va Akiza va Asula'a.”

70 Reve Yesu usu, “N dangwa du ta Kupanejere.† Agba za ta atsuma a du Mekerencesu ma da!”

71 Yahuza ulobo wa Simo Iskariyoti da Yesu yuwusain adanshi a aci a yi. A tyo o ukosu u ta wina Yesu, ko na wo o'woi za ta da atsuma a Kupanejere'e.

7

Muwun ma anawu ma Yesu n usu ili i na u dammai shi

1 Ana ili i ndolo i kotoi, avu Yesu garasa upasu wa Galili, adama a na u ciga u 'yawa upasu wa Yahuda shi, adama a na azagbain a Isra'ila a ciga ta o una yi.

2 A mantsa'a Abuki o Ogodo o Ucuwusan* a aza a Isra'ila a yuwan ta zuzu.

3 Dada muwun ma anawu ma yi n damma niyi, “Vu lyawa ubata u nda reve vu kara a tyo Yahuda, tsara aza a na oo tonon wu e ene ili ya asalama i na vaa yuwusan.

* 7:2 A Abuki o Ogodo o Ucuwusan, aza a Isra'ila a tsu yuwan ta mazanga adama a na o kotoi ugasa. A tsu yuwan ta ogodo o ro lo a na aa dana a danu pe ajuma a ta. Ne da a tsu cuwan na cine nkaya n le n danuyi o ogodo a mantsa ma na a dana a agara atsuma o una a'wan amunga kafu a uwa e ida i na Asula a yuwaan nle nzuwulai.

4 Vuma na cigai ama suru e reve ili i na waa yuwusan, u tsu pa'aton aciyayi shi. Na vaa yuwusan cu'un vi ili i nda, to, utaa aciyawu a alanga eteshe.”

5 Ko muwun ma anawu n usu shi.

6 Dada Yesu damma nle, “Gogo da mantsa ma na ma karā shi. Amma ya'a du, mantsa suru wu ntsaa du ta.

7 Ama o uvadi u nda aa 'yuwan du shi. A 'yuwan mu ta adama a na n damma nle a ta yuwusan ili i iwuya.

8 'Yoyin i karā a 'yawa ubata wa abuki. N ri ufofu u na ma 'yawa de shi, adama a na mantsa ma va koto ma yuwan shi.”

9 Ana Yesu dammai tsundolo, avu wi isawan pe atsuma a Galili.

Yesu yuwan ta uritosu a Aa'isamapada

10 Ana muwun ma anawu n karai a tyo ubata wa abuki'i, ayi fo u 'yawa ta de usokowu, u 'yawa a alanga e eteshe shi.

11 Azagbain a Isra'ila a ciga ta e ene yi ubata wa abuki'i, dada a lyuwai elime na yeci adansa, “Te da gba u ri?”

12 Atsuma o obolo'o, ama na abunda a yuwusan ta adanshi na yemenu a aci e Yesu. Ozo o ro a damma a na, “Vuma va abula da.”

Ozo o ro gba a damma, “Ama a da waa yuwusaan epen.”

13 Babu vuma na yuwain adanshi a yi a alanga e eteshe, adama a na a ta uwwusa wovon wa azagbain a Isra'ila.

14 O urana wā nāshi wā abuki'i,† Yesu 'yawa tā a Aa'isamapada, avu u reme uritosu.

15 Aza a Isra'ila a yuwan tā asalama hali a damma, “Koto vuma nda danu e ekere a manlu shi. Cine tsa da u yuwan u revei ili i nda na abunda tsunda?”

16 Dada Yesu usuyi, “Ili i na moo ritosu ya'a va da wu utai shi, amma Asula a na a lyungu numu, ayi da u ca numu ele.

17 Na ama a dangwa a yuwan ili i na Asula a cigai, e te reve uritosu u va ubata wa Asula u da wu utai, amma ya'a va da shi.

18 Ama a na aa yuwusan uritosu wi ili ya aciyele, e te izami yi ica e ekere a ama. Amma vuma na cigai akapi a cuwa za na lyungu niyi, amayun a da u tsu damma. U tsu yuwan epen shi, ko ke'en.

19 Musa ca du ta Wila'a, agba babu za na kuru niyi. Nye i zuwai i cigai yu una mu?”

20 Reve ama'a a usu, “Vu ta no otoni a lima! Nan zane da gba a cigai o una wu?”

21 Dada Yesu usu nle, “N yuwan ta ili ya asalama i ta, avu suru ndu i kara a asalama.

22 Musa damma du ta i pada muwun n du uryumbu. (Nkaya n du n da n farai ulinga u ndolo, Musa da shi). I tsu pada ta mawun uryumbu, ko urana wa Ashibi u da.

23 Ayi da nda i tsu pada ta mawun uryumbu o urana wa Ashibi adama i kuru Wila wa Musa. To, adama a nye i ri o upan na amu a na n kambatoi vuma ro gbaga o urana wa Ashibi?

† 7:14 Rana kunla vu ukosu va Abuki O Oogodo o Ucuwusan a da.

24 I lyawa uge'etosu adama a na ye enei cine ili i rotsoi. I yuwan uge'etosu wi ili i na ye enei amayun.”

Yesu Kristi Zamawawa da?

25 A mantsa mo ndolo, avu ama a Urishelima o ro a dammulai, “Vuma na azagbain a cigai o una daɗa nda.

26 Agba u ta yuwusan uritosu ubata u na ama e ene yi waru a uwwa yi, agba babu vuma na putsaa niyi. She damma azagbagbain a usu ta a na ayi Zamawawa da na amayun.

27 Amma tsu reve ta lyuci vuma nda'a. Agba na Zamawawa va amayun tawa, babu za na ee reve ubata u na wu utai.”

28 Yesu pe a yuwusan uritosu a Aa'isamapada, daɗa u 'yasain udyo, “Ee, i reve mu ta, waru i reve ta lyuci va. Amu da n lyunguyi aciyava shi. Za na lyungu numu za va amayun da, agba i reve yi shi.

29 Amma amu n reve yi ta, adama a na mu uta ta ubata u na u ri, ayi da waru u lyungu numu.”

30 Ana u dammai ili i nda, avu ama a shi a ciga e reme yi. Agba a tsura vuma na gura ju'wan niyi shi, adama a na mantsa mo koto ma rawa shi.

31 Ama na abunda a usu ta Yesu. Daɗa a dammai, “Na Zamawawa u tawa, u ta gura yuwan ili ya asalama i na i la'ai ili i na vuma nda aa yuwusan?”

A lyungu ta adugari e reme Yesu

32 Ana Afarishi a uwwai obolo a adanshi adama e Yesu, reve ele obolo na nan ganu a gbagbain a lyungu adugari a Aa'isamapada e reme yi.

33 Avu Yesu damma, “N ta dana obolo na adu woto meketeci, avu n kamba a tyo ubata wu za na lyungu numu.

34 A mantsa mo ndolo, i ta zami mu, agba yaa tsura mu shi. Agba yaa gura 'yawa ubata u na n ri shi.”

35 Avu azagbain a Isra'ila a dammulai vani le, “Ubata u ne u da vuma nda cigai u 'yawa hali na tsaa zami yi agba tsee ene yi shi? U ta 'yawa e ilyuci ilyuci ya Heleni† ubata u na ama a tsu a ri nden tsara u rito Nheleni† n na n ri de?”

36 Nye i da waa yuwusan majiyan ana u dammai, ‘I ta zami mu, agba yaa tsura mu shi’, waru ‘Yaa gura 'yawa ubata u na n ri shi?’”

Mini ma na ma tsu ca wuma

37 O urana wu ukosu wa abuki'i, za na ayi da abajini o urana, avu Yesu 'yon mishin dada wu utayi udyo zuva, “Vuma na aa uwwusa akuli biti u tawa ubata u va, reve u sowo.

38 Cine Adanshi a Asula† a dammai, ‘Vuma na usu numu suru, dolu na tsu casu mini ma wuma ma ta dana oo utusa atsuma a yi.’”‡

39 Yesu yuwan ta adanshi adama a Ruhu va Akiza. Koto Asula a ca Ruhu'u shi, adama a na koto u 'yasan Yesu avu u ca yi tsugbain shi. Agba a tyo o ukosu, aza a na a usuyi Yesu a tsura ta Ruhu'u.

Mawasan adama e Yesu

40 Ana ama a uwwai adanshi e Yesu, dada ozo o ro e le a dammai, “Ili i ro yi lo shi, vuma nda'a Vumavasula langa va amayun da.”

41 Ozo o ro gba a damma, “Ayi da Kristi Zamawawa'a.”

‡ 7:38 Izk. 47:1; Zak. 14:8. Re re ta lo na aa gura jijan ko zane da mini mo utai ya'a yi. 1) za vi itoni na 2) Yesu, ufaru wi iwawi.

Reve gba ozo o ro a damma, “Kristi Zamawawa oo utā diga Galili shi.

⁴² Adanshi a Asulā a damma tā Kristi Zamawawa to utā o ugundo u Mogono Dawuda waru a ta matsan yi Batalami, lyuci na Dawuda danai nden.” ◇

⁴³ Oḅolo a ama'a e ne'eshen tā ure adama e Yesu.

⁴⁴ Ozo o ro atsumā e le a shi tā a ciga e reme Yesu, amma babu za na gura ju'wan niyi.

Azagbain a 'yuwan tā a usu Yesu

⁴⁵ Avu adugari'i a kambā ubatā u nan ganu a gbagbain† na Afarishi, aza a na e ece nle, “Nye i zuwai i tawai na Yesu pa shi?”

⁴⁶ Reve a usu, “Koto a tsurā vuma na dammai ili i na vuma nda dammai shi!”

⁴⁷ Daḁa Afarishi a usuyi, “Hali na aḁu fo Yesu pusan du tā ana?”

⁴⁸ Ko ganu gbain ko Mafarishi mā tā atsumā a tsu a usu yi shi!

⁴⁹ Oḅolo a ama a nda koto e reve Wilā wa Musa shi. Asulā yuwaan le tā unā!”

⁵⁰ Nikodimu Mafarishi mā danā tā lo, vuma na shi 'yawai ya Yesu nu ufaru tsarā we ene yi. U damma le tā,

⁵¹ “Wilā u tsu u lyawa tsu tsu kototo ama babu tsu uwwa ili ya aguji i le shi. U ri ulobonu tsu ge'eto nle babu na tsu revei unusu u na a yuwain shi.”

⁵² Daḁa ele a dammai, “Upasu wā Galili u ḁa vu utai fo? Kalyuwa Adanshi a Asulā ulobonu, vu te reve babu vumavasulā na oo utā diga Galili.”

[

◇ 7:42 2 Sam. 7:12; Mik. 5:2.

⁵³ Ne da íbòlò'o i kotoi, àvù ama e bete'we à tyo a 'wa le.

8

E reme t̄a aashakala

¹ Yesu gba u kar̄a t̄a à tyo a Masasan m̄a Zetun.

² Ana usana u tawai, reve u 'yawis̄a à Àà'isamapada n̄a wasasa. Ama suru à t̄aw̄a t̄a ubat̄a u na u ri, àvù u danu u kar̄a o ritosu le.

³ Reve munlu n Wil̄a na Afarishi à t̄aw̄a n̄a ka na e remei e tsipere. Àvù a zuwa yi wì isawan e memere ma am̄a.

⁴ Àvù a damma, “Manlu, ka nda e reme yi t̄a àtsum̄a e tsipere.

⁵ Wil̄a wa Musa u rito tsu t̄a a na cu'un vu ka ndolo suru a vara yi na atali o una yi! Àvù gba nye vu dammai?”

⁶ A yuwan yi t̄a cu'un yeci i ndolo tsar̄a à lyungw̄a yi, waru e reme yi nu unusu.

Reve u kaḍato reve u yuwan idana e ida na aakatsu à yi.

⁷ Àvù a yuwisan yi yeci adama a ka'a, à tyo o ukosu àvù u gaḍuwa ḍaḍa u damma nle, “N̄a vuma ro àtsum̄a à ḍu koto u yuwan unusu shi, lyawa wo o'wo za na aa fara vara yi na aatali.”

⁸ Àvù u kaḍatowis̄a u yuwan idana e ida.

⁹ Ana a uwwai ne, reve e bete'we aza à t̄a t̄a. Aza a kpakpara ḍa a fara kar̄ai. À tyo o ukosu Yesu ḍa n̄a ka'a a buwai lo goon no oḅòlò'o.

¹⁰ Àvù u gaḍuwisa ḍaḍa we ecei ka'a, “Te gba ama'a? Vuma ro buwa lo a na wee ge'eto wu shi?”

¹¹ Reve u usu, “Manlu, ko vuma buwa pa shi.”

Dada u damma niyi, “To, ko amu moo kototo wu shi. Wala, agba she vu dashi yuwan unusu wan.”]*

Yesu da ekan o uvadi

¹² A tyo de, avu Yesu damma ama'a, “Amu da maa casu ama o uvadi ekan. Vuma na kuru numu suru u ta tsura ekan a na a tsu ca wuma, waru waa wala atsuma e irumbu shi.”

¹³ Reve Afarishi a damma yi, “Ana vaa yuwusan adanshi a aciyawu, avu da goon vaa dansa a na ili i nda amayun a da. Tsu usu ili i na vu dammai shi.”

¹⁴ Reve u usu, “Ee, n ta dansa ili i nda adama a aciyava, amma waru amayun a da. N reve ta ubata u na mu utai, waru n reve ta ubata u na mee tyo. Adu gba i reve ubata u na mu utai nu ubata u na mee tyo shi.

¹⁵ Adu da yee ge'etosu cine vadilima ee ge'etosu. Amu gba mee ge'etosu vuma shi.

¹⁶ Agba ko na n ge'eto, ure u na mee ge'etosu amayun a da, adama a na amu da a nde'en shi. Dada na lyungu numu to obolo na amu.

¹⁷ Wila u du u damma ta, na ama e re a yuwan adanshi a ta adama e ili i ro, i ciga i 'yuwan i usu ili i na a dammai.

¹⁸ Amu da vuma na yuwain adanshi adama a aciyava, waru Dada na lyungu numu ta yuwusan adanshi a aci a va.”

¹⁹ Reve e ece, “Te da dada va wu?”

Avu u usu, “I reve mu shi, agba i reve Dada va shi. Ni i shi i reve mu, i shi te reve Dada va fo.”

²⁰ U damma ta ili i nda suru a mantsa ma na u yuwusain uritosu a Aa'isamapada, zuzu nu ubata

* **8:11** Akuci a aatagada a ri na guzu nda shi.

u na a shi a zuwusa ikebe. Agba babu za na reme niyi, adama a na mantsa ma yi ma buwai.

Yaa 'yawa ubata u na mee tyo shi

²¹ Yesu dammisa ta Afarishi'i, "N ta kara n lyawa du, i ta zami mu, ne da waru yaa lyuwa elime nu unusu u du, reve i kuwa. Yaa 'yawa ubata u na mee tyo shi."

²² Avu azagbain a Isra'ila a damma, "U damma ta tsa'a 'yawa ubata u na wee tyo shi. U ta a majiyan wu una aciyayi?"

²³ Reve u damma, "Adu ama o uvadi a na a ri zala da, agba amu o uvadi wa zuva u da n ri. Adu aza o uvadi a nda a da, agba amu za vu uvadi u nda u da n ri shi."

²⁴ Ayi da i zuwai n damma ndu i ta kuwa obolo nu unusu u na yaa yuwusan. Nni i 'yuwan a usu a na amu dada†◇ za na n dammai n ri, babu ili i ro i ta kuwa atsuma a nusu du."

²⁵ Reve e ece, "Avu gba zane da vu ri?"

Avu u usu, "Amu da vuma na n tsu dansaa du n ri."

²⁶ N ta ni ili i na maa damma aci a du, waru ni ili ya abunda i na mee ge'eto a aci a du. Amma maa damma ili i na n ri ne ele shi. Adama a na za na lyungu numu amayun a da u tsu dansa kuci, waru n damma ta aza o uvadi ili i na u damma numu goon."

²⁷ Ama e reve a na waa dansaa le adama a Dada'a shi.

²⁸ Adama o ndolo a da u damma nle, "Ni i 'yasan Mawun ma Vuma zuva va akpata,† i ta reve a na

† 8:24 Aza a Isra'ila e reve ta danshi "amu da" aala a Asula a da. Adama o ndolo a tara ta Yesu de ta aciyayi Asula. ◇ 8:24 Mta. 3:14.

amu dāda za na maa dansaa dū n ri. I reve waru n tsu yuwan ili nu ucira u vā shi. Ili i na Dada vā rito numu dā goon n tsu damma.

²⁹ Za na lyungu numu to oḅolo nā amu. Koto u kara u lyawa mu a nde'en shi, kuci dā waru n tsu yuwan ili i na waa uwwa uyo'o u vā.”

³⁰ Ama a abundā a na a uwwai ili i na Yesu dammai, a usu yi tā.

Amayun a tā baḁa wu

³¹ Avu Yesu damma aza a na a usu niyi, “Ni i lyuwa elime ni itoni yu uritosu u vā aza e itoni ya amayun a dā i ri.

³² Ne dā yee reve amayun, waru amayu'un u tā baḁa dū.”

³³ Reve a usu, “Atsu muwun n tsukaya ma Ibrahim n dā, koto tso o'wo agbashi a ama o ro shi. Cine vu dammai a tā baḁa tsu?”

³⁴ Reve u usu, “N damma dū amayun, vuma na yuwain unusu suru aagbashi o unusu a dā.

³⁵ Aagbashi a tsu ḁanu o u'wa wu zagbain suru suru shi, amma ulobo wu u'wa kuci o u'wa wa dada vā yi dā u tsu ḁana.

³⁶ Adama o ndolo nā Mawun u baḁa dū, i to o'wo faan na amayun.

³⁷ N reve tā a na aḁu muwun n tsukaya ma Ibrahim n dā, agba i ciga tā yu una mu adama a na i usuyi uritosu u vā shi.

³⁸ N ta dansaa dū ili i na Dada vā roco numu, agba i ta yuwusan ili i na dada dū damma ndū.”

³⁹ Reve a usu, “Ibrahim dā dada tsu.”

Avu u damma, “Nā aḁu muwun ma Ibrahim n dā na amayun, i ta yuwan ili i na Ibrahim yuwain.

⁴⁰ Amayun a ɗa maa dansaa ɗu, amayun e ili i na mu uwwai ubata wa Asula, aɗu ɗa nda gba i cigai yu una mu. Ibrahim aa yuwan cu'un vi ili i ndolo shi.

⁴¹ Agba aɗu i ta yuwusan ili i na dada ɗu yuwain foyi.”

Reve a usu, “Atsu agirutu a ɗa shi! Asula a ɗa Dada va amayun tsu.”

⁴² Avu u damma le, “Na Asula a ɗa Dada ɗu, i shi ta ciga mu, adama a na n tawa ta ubata u ɗu diga a Asula. Agba amu ɗa n tawatoyi aciyava shi, ayi ɗa u lyungu numu.

⁴³ I reve ili i na n damma ndu shi, adama a na i usuyi uritosu u va shi.

⁴⁴ Mekerencesu ma ɗa dada ɗu, i tsu yuwan ta ili i na u cigai foyi. Diga o ufaru za mona ɗa waru za ve epen ɗa. Babu ili ya amayun a aci a yi. Ili ya aciyayi a ɗa u tsu yuwan adanshi, waru ili i na u dammai suru epen a ɗa. Za ve epen ɗa goon shi, amma waru dada ve epen ɗa.

⁴⁵ Amma amayun a ɗa maa dansaa ɗu, ayi ɗa waru ili i na i zuwai i usu numu shi.

⁴⁶ Atsuma a ɗu, zane ɗa na amayun aa gura reme mu nu unusu? Waru ana maa dansaa ɗu amayun, nye i zuwai i usuyi shi?

⁴⁷ Vuma na Asula a ɗa Dada va yi, u tsu zuwa ta atsuvu a Adanshi a Asula. Aɗu gba aza a Asula a ɗa shi, ayi ɗa i zuwai i zuwai atsuvu a ɗu shi.”

Yesu la'a ta Ibrahim

⁴⁸ Avu aza a Isra'ila a usu, “Tsu ta mejege na tsu

damma avu vuma va Samariya[‡] da, waru vu ta no otoni a lima atsuma a wu!”

⁴⁹ Reve Yesu usu, “N ri no otoni a lima shi. N ca ta Dada va tsugbain, avu i 'yuwan a ca mu tsugbain.

⁵⁰ N ri e izami i tsugbain tsa aciyava shi. Amma za na cigai n ushi tsugbain ta lo, ayi da waru za na aa yuwan uge'etosu.

⁵¹ Amayun a da maa dansaa du, vuma na yuwain itoni nu uritosu u va, waa kuwa shi.”

⁵² Avu a damma yi, “Gogo tsu reve ta a na vu ri no otoni a lima! Ko Ibrahim na amasula a kuwa ta. Avu gba vu damma ta, ‘Vuma na yuwain itoni nu uritosu u va, waa kuwa shi.’

⁵³ Avu vu la'a ta dada tsu Ibrahim atsuma a tsugbain? U kuwa ta, ne da fo amasula. A majiyan ma wu, zane da vaa tarasa vu ri?”

⁵⁴ Reve u usu, “Na n ca aciyava tsugbain, tsugbain tso ndolo ili i da shi, ko ke'en. Dada da vuma na ca numu tsugbain, waru i damma ta a na ayi da Asula a du.

⁵⁵ Koto i reve yi shi, amma amu n reve yi ta. Na n damma koto n reve yi shi, n to o'wo za ve epen tsa adu. Amma n reve yi ta, waru n tsu yuwan ta itoni ni ili i na u dammai biti.

⁵⁶ Dada du Ibrahim yuwan ta mazanga a na wee ene mantsa ma na maa tawa. We ene yi ta waru u yuwan ta mazanga.”

⁵⁷ Avu a damma, “Cine vu yuwain ve enei de Ibrahim? Koto vu rawa a'wan kupoton shi.”

⁵⁸ Reve u usu, “Amayun a da maa dansaa du, kafu a matsan Ibrahim, Amu \diamond da da za na n ri lo.”[†]

[‡] **8:48** Na za va Isra'ila de za ro za va Samariya, wisulusa u da u danai. E reve ta a na Yesu diga Galili da wu utai, agba Samariya da shi. \diamond **8:58** Mta. 3:14.

⁵⁹ Ana Yesu yuwain adanshi a nda, aṅu ama a taḍa atali tsara o una yi. Reve Yesu wo odoru o uta, u lyawa Aa'isamapada'a.

9

Yesu yuwaan ta irumba opocino

¹ Yesu pe atsuma a mmalu, aṅu we ene vuma na a matsain irumba.

² Aṅu ojoro a yi e ece yi, “Manlu, nye i zuwai a matsain vuma nda irumba? Adama o unusu wa yi u da ko adama o unusu u nan dada va yi?”

³ Reve u usu, “Vuma nda ri irumba adama o unusu wa yi ko o unusu u nan dada va yi shi. Ne da a matsan niyi tsara Asula o roco ucira wa yi a tyo e ekere a yi.

⁴ Nu urana, tsu 'yuwan tsu ciga tsu lyuwa elime nu ulinga wu za na lyungu numu. Ayin o ta lo a tawa na vuma aa gura linga shi.

⁵ Aṅu pa atsuma o uvadi u nda, aṅu da n tsu ca ama o uvadi ekan.”

⁶ Ana u dammai ne, aṅu u tsuwan matsan e ida, aṅu u sukuta yi, reve u kene yi da da u putalayi vuma'a e esu.

⁷ Reve u damma vuma'a, “Yawa vu sa'a esu a wu a Mabata ma Siluwamu.” (Urevu wa “Siluwamu” ayi da “Lyungu.”) Aṅu vuma'a u kara u sa'a. Ana a kambai o u'wa, reve we ene ure.

⁸ Aṅu ama o ubata'a na akapi a na e revei u dana ta irumba a yuwusan ipati reve e ece, “Vuma ndede da da, za na tsu danusu a yuwusan ipati shi?”

⁹ Aṅu ozo o ro a damma, “Ayi da da.”

Akapi gba a damma, “O'o, u rotso t̄a vuma ndede'e.”

Reve zavipati'i u reme adansa, “Amu d̄ada!”

¹⁰ Reve e ece yi, “Cine vu yuwain d̄ada ve eneshe gogo?”

¹¹ Dada u usuyi, “Vuma na ā tsu de Yesu da re'wetoī maḅulā āvu u putala mu e esu. Reve u damma mu, 'Yawa a Mabata ma Siluwamu vu sa'a esu āwu.' Ana n̄ 'yawa n̄ sa'ai, reve me ene.”

¹² Āvu e ece yi, “Te da vuma'a?”

Āvu u usu, “N̄ reve shi.”

Afarishi a ciga t̄a e reve ili i na i farai

¹³ Āvu ama'a ā 'yawaā Afarishi na vuma na dan̄ai irumba'a.

¹⁴ Urana u na Yesu foḅoi maḅulā āvu u kambato yi gbaga Ashibi a da ā shi.

¹⁵ Dada Afarishi o ro e ecei vuma'a, “Te da vu tsurai yeni yāwu?” Reve u usu, “Vuma ro putala mu t̄a maḅulā mo utanu e esu, āvu n̄ sa'a le, gogo āmu da nda e eneshe.”

¹⁶ Āvu Afarishi o ro a damma, “Āyi vuma nda Yesu, wu ut̄a ubat̄a w̄a Asula shi, adama a na u yuwan tsutoni nā wilā w̄a Ashibi shi.”

Ozo o ro gba a damma, “Vuma na ri nu unusu waa gura yuwan cu'un vi iroci yi ili ya asalama o ndolo shi.” Adama o ndolo ā usulai shi.

¹⁷ Āvu e ecishe vuma'a, “Nye vaa damma adama a vuma na kambuwai esu āwu gbaga?”

Āvu vuma u usu, “Āyi vumavasula da.”

¹⁸ Agba azagbain a Isra'ila ā usu a na u dan̄ai irumba shi, āvu u kara eneshe gogo shi. Reve ā lyungu e dewe le nan dada vāyi.

19 Avu e ece le, “Ulobo u du u da nda'a? I damma u dana ta irumba ana i matsan niyi. Cine tsa da u yuwain dada we eneshe gogo?”

20 Reve nan dada va yi a usu, “Tsu reve ta a na ayi mawun ma tsu ma da, waru tsu reve ta tsu matsan yi ta irumba.

21 Amma tsu reve ko cine tsa da u yuwain we eneshe gogo shi. Waru tsu reve za na kambato niyi gbaga shi. Ece niyi. U rawa ta a'wan a na waa gura damma du na aciyayi.”

22 A damma ta ne adama a na a ta uwwusa woyon wa aza a Isra'ila. Aza a Isra'ila a damma ta de vuma na dammai Yesu Zamawawa da, waa dashi uwisa a aa'isa shi.

23 Ayi da i zuwai nan dada va yi a dammai, “U rawa ta u yuwan adanshi na aciyayi. Ece niyi!”

24 Avu aza a Isra'ila e dewishe yi we ire avu a damma, “Kucina na Asula reve vu damma tsu amayun! Tsu reve ta vuma na kambato nuwu gbaga nda za vu unusu da.”

25 Avu u usu, “N reve ko za vu unusu da shi. Apa ili i ta i na n revei: N dana ta irumba agba gogo n te eneshe.”

26 Avu e ece yi, “Nye u yuwaan nuwu? Cine tsa da u kambatoi esu a wu gbaga?”

27 Reve u usu, “N damma du ta de, agba i zuwaa mu atsuvu shi. Cine i cigai yu uwwisa? I ciga ta yoo o'wo aza e itoni a yi fo?”

28 Avu e isula yi adansa, “Avu da za vi itoni va yi, agba atsu aza e itoni ya Musa a da.

29 Tsu reve ta Asula a yuwaan ta Musa adanshi, agba atsu tsu reve lyuci na vuma nda utai shi.”

30 Avu u usu, “Ili ya asalama i da nda'a! U kambato ta esu a va gbaga, agba adu i reve ubata u na wu utai shi.

31 Atsu tsu reve ta Asula a tsu zuwaa aza o unusu atsuvu shi. Amma u tsu zuwaa ta aza a na a yuwusaan yi aganda avu waru a yuwan ili i na u damma nle atsuvu.

32 Ana Asula a yuwain uvadi, koto a tsura vuma na kpatu'wai esu a vuma na a matsain irumba shi.

33 Na vuma na Asula a lyunguyi da shi, ko ili i ta waa gura yuwan shi.”

34 Reve a damma yi, “Avu za vu unusu da diga urana u na a matsan nuwu! Vu ta a majiyan vu to rito tsu ili i ro?” Avu a damma yi waa dashi uwa a aa'isa shi.

Tsurumba tsa Afarishi

35 Ana Yesu uwwai ili i na i farai, avu u zami vuma'a, avu we ece yi, “Vu usu ta Mawun ma Vuma'a?”

36 Reve u usu, “Zagbain, damma mu ko zane da u ri, tsara n usu yi fo.”

37 Reve u damma yi, “Ve ene yi ta de, ayi da waru vuma na a yuwusan adanshi na avu gogo.”

38 Dada u dammai, “Zagbain, n usu ta!” Avu u yuwaan Yesu aganda.

39 Avu Yesu damma yi, “N tawa ta tsara n zangada ama o uvadi a nda. N tawa ta tsara n ca nrumba yeni, waru n roco aza a na a yuwusan majiyan a te inda ele gba nrumba n da.”

40 Afarishi a na a ri lo a uwwa yi ta, avu e ece yi, “Vu ta dansa atsu nrumba n da?”

41 Avu u usu, “Na nrumba n da i ri, a shi a tsura du nu unusu shi. Amma ana i dammai i te inda, u ta dansa i buwa ta pe atsuma o unusu u du.”

10

Iroci yi za va aguba

1 Avu Yesu damma, “Amayun a da maa dansaa du, evu na aza a ngalalai a da goon a tsu uwa ni isula wu ubata u na a nlasa ikyon, agba a tsu uwa nu unantsu shi.

2 Za na tsu uwa nu unantsu ayi da za va aguba e ikyo'on.

3 Za vi ipiri yu unantsu tsu kpatu'waa le ta. Waru ikyon yi za biti e reve ta u_{dyo} wa yi. U tsu de ta ikyon ya yi na ala e le reve a kuru yi o uta.

4 Na wu utaa le suru reve u uwa elime e le, reve gba a kuru yi adama a na e reve ta u_{dyo} wa yi.

5 Agba aa kuru vuma ro shi, shede a suma yi, adama a na e reve u_{dyo} wa yi shi.”

6 Yesu yuwaan le ta iroci i nda, agba a gura reve ili i na waa dansa shi.

Yesu za va aguba a abula

7 Dada Yesu dammisai, “Amayun a da maa dansaa du: Amu da unantsu wu ubata wi ikyon.

8 Ama a na a tawai elime a va suru evu a da na aza a ngalalai. Ikyon i poloo le atsuvi shi.

9 Amu da unantsu, waru za na uwai nu ubata u va a ta wawa yi. Waru u ta gura uwa wu uta u tsura anlya a na waa tama.

10 Vivu tsu tawa ta adama wi ivu wu una waru u lungusa, amu gba n tawa ta n ca wuma adama a tsura wuma suru suru.

11 “Amu da za va aguba a abula. Za va aguba a abula u tu ufobu u ca wuma wayi adama u geshe ikyon ya yi.

12 Za na a tarai aguba u ri tsu za vi ikyo'on shi. Na we ene mekerenkesu a tawa, u tsu suma ta reve u lyawa lo ikyo'on. Reve mekerenkesu ma saba le avu u bete'we le.

13 Vuma'a u tsu suma ta adama a na ulinga wa atsupu a da waa yuwusan goon. Agba ko ili i damaton yi ni ikyo'on shi.

14-15 “Amu da za va aguba a abula. N reve ta ikyon i va, cine Dada va reve numu. Ikyon i va waru e reve mu ta, cine n revei Dada'a. N usu ta n ca wuma u va adama n kamba ikyo'on.

16 N ta ni ikyon i ro i na i ri atsuma a aza a nda shi, waru n ciga n 'yuwan n tawa ne ele fo. A ta uwwa udyo u va, reve suru nle o o'wo obolo a ta na za va aguba a ta.

17 “Dada'a u ciga mu ta adama a na n usu ta n ca wuma u va, tsara n tawa n ushiyisa yi.

18 Ko za lo a usa mu wuma u va shi. O ucigu u va da n cayi. N ta nu ucira u na maa ca wuma u va waru nu ucira u na ma ushiyisa yi, ununa Dada va damma numu n yuwan.”

19 Adama a adanshi a yi o ndolo, reve aza a Isra'ila e remishe nwasanlai vani le.

20 Ozo o ro le na abunda a damma, “Otoni a lima a uwa yi ta, reve o o'woto yi ajaarata. Adama a nye yaa zuwusaa yi atsuvu?”

21 Ozo o ro gba a damma, “Vuma na otoni a lima a jaaratoi tsu yuwan adanshi ne tsunda shi. Otoni a lima a ta gura zuwa irumba ye ene?”

A 'yuwain Yesu

²² Avu mantsa mo utanu ma rawa, mantsa ma na a tsu yuwan Abuki o Ucuwusan nu Ucasu wa Aa'isamapada* a Urishelima.

²³ A mantsa'a, Yesu shi ta a mmalu ubata u na a tsu de Makisa ma Sulemanu atsuma a Aa'isamapada.

²⁴ Reve azagbain a Isra'ila o boloto zuzu na ayi, avu a damma, “Cine tsa da va da dan a zuwusa tsu majiyan, zane da vu ri na amayun? Na avu dada Kristi Zamawawa'a, vu damma tsu mejege.”

²⁵ Reve u usu, “N damma du ta de agba i usu shi. Linga va asalama na maa yuwusan atsuma a ala a Dada va o roco ta ko zane da n ri.

²⁶ Agba i usu shi, adama a na adu ikyon i va i da shi.

²⁷ Ikyon i va i tsu uwwa ta udyo u va. N reve le ta, ele waru a tsu kuru mu ta.

²⁸ N ca le ta wuma u na woo koto shi, waru aa kuwa shi. Ko za lo aa gura usa le o ukere u va shi.

²⁹ Dada va da ca numu ele. U la'a ta koyan, waru babu za na aa gura usa le e ekere a Dada va.

³⁰ Dada'a na amu ili i ta i da.”

³¹ Dada waru azagbain a Isra'ila a tarai atali azama o una yi.

³² Avu u damma le, “N roco du ta ili i sa'ani i na Dada va lyungu numu n yuwan na abunda. Adama e ili ya asalama i ne i da i cigai i vuvara mu?”

* **10:22** A abuki a nda, aza a Isra'ila a cuwusan ta na cine Yahuza Makabiyu kambatowisai Aa'isamapada cece cina n'yuwatan ma Asula n shi n uwa pe, reve a lungusa yi. Aza a Isra'ila a tsu de ta abuki a nda Hanuka, ko “Abuki e Ekan.”

³³ Reve a usu, “Tsu ciga tsu vuvara wu adama e ili i sa'ani i ro shi, amma adama a na vu yuwain adanshi a vama† e ekere a Asula. Avu vadilima da, amma vu kambato ta aciyawu unata na Asula!”

³⁴ Avu u usu, “A dana ta atsuma a Wila a du a na Asula a damma ta, ‘Adu musula n da.’ ◇

³⁵ Tsu reve ta ili i na Adanshi a Asula a dammai suru wo o'wo ta amayun babu ukotu. Reve Asula e de ama o ndolo musula, ama a na u cayi ikaka ya yi.†

³⁶ Amu gba, Dada'a u dangwa mu ta adama o ulinga wa abula, reve u lyungu mu atsuma o uvadi. Adama a nye i da gba yaa dansa n ta yuwusan adanshi a vama e ekere a Asula o unu u na n dammai, ‘Amu Mawun ma Asula ma da?’

³⁷ Nna maa yuwusan ili i na Dada va ciga numu n yuwan shi, she i usu mu wan.

³⁸ Amma na n ta yuwusan ili i na Dada va aa yuwusan, i usu mu adama e ili i ndolo, ko na yaa usu ili i na n dammai shi. Reve i reve amayun a na Dada'a ili i ta i da na amu, amu waru ili i ta i da na Dada'a.”

³⁹ Reve a uwa mpolo a na ee remishe Yesu, avu gba u la'a.

⁴⁰ Reve u 'yawa u pasa Udolu wa Urdu a tyo ubata u na Yahaya farai urumbusu, reve wi isawan de ne'en.

⁴¹ Avu ama na abunda a tawa ubata wa yi, adansa vanile, “Yahaya yuwan ulinga wa asalama ko za ta shi, amma ili i na u dammai adama a vuma nda suru amayun a da.”

◇ **10:34** Ica 82:6. † **10:35** Ama a na a usuyi ikaka ya Asula ele da Musa na aza a Isra'ila a Masasan ma Sinai.

42 Reve ama a na a ri lo na a bunda a usu Yesu.

11

Ukwa wa Li'azaru

1-2 A yuwan ta vuma ro na a tsu de Li'azaru a lyuci va Batanya da u shi. U dana ta oholo na muwun ma anawu me esheli ma yi Meri na Marta. Ayi Meri nda ayi da za na tawa tsuwayin Zagbain mani'in ma maguru a ana, avu u tasa le na anji a yi. ◇ Urana u ro Li'azaru banakan ta.

3 Avu Meri na Marta a lyungu vuma ro damma Yesu, "Zagbain, vuma na vu cigai banakan ta."

4 Ana Yesu uwwai ne, avu u damma, "Ubanaku'un woo una yi shi. Ili i nda i fara ta tsara a tawaa Asula na tsugbain. Amu waru Mawun ma Asula, n tsura tsugbain adama e ili i ndolo."

5 Yesu ciga ta Marta na azawawa'a a yi.

6 Ana wu uwwai a na Li'azaru tu ubanakun, u dashi ta asisa pe ayin e re.

7 Avu u damma ojoro a yi, "Lyawai tsu kambai Yahuda."

8 Avu gba a damma yi, "Manlu, a yashi i nda i da azagbain a Isra'ila a shi a cigai a vuvara wu, dafa vu cigai vu kambai de?"

9 Avu u usu, "Tsu ta ni irumu kupa ne ejere e ekan atsuma o urana u ta. Ne ekan o lo, ama a ta wala agba a tadatsa shi. E te ene adama a na ekan a ta pe o uvadi."

10 Agba na a yuwan mmalu na ayin, a ta tadatsa, adama a na babu ekan."

11 Daɗa u damma nle, “I'utsa i tsu Li'azaru ta a nlavu, n ta 'yawa de ya'a yi n jisan yi.”

12 Reve a damma, “Zagbain nu u ri a nlavu, u ta dansa u ta tsura opocino!”

13 A ta jiyasan Li'azaru nlavu ma amayun n da yi, agba a adanshi e Yesu u ta dansa u kuwa ta de.

14 Reve wu uta le eteshe u damma, “Li'azaru kuwa ta de.

15 Adama a du a da maa yuwusan mazanga a na n ri obolo na ayi shi. Adama e ili i ndolo i to rito i usu mu. Tawai tsara tsu 'yawai ubata u na u ri gogo.”

16 Avu oojoro o ro a na a tsu de Toma (za na a tsu de “Mepishe”) u damma akapi, “Tsu shoyin manlu'u suru ntsu, tsara tsu kuwai obolo na ayi!”

Yesu obolo na Meri na Marta

17 Ana Yesu rawai, u cina ta cina a cifo de Li'azaru hali rana nashi.

18-19 Aza a Isra'ila a 'yawa ta de na abunda tsara a casa Marta na Meri adama a mawun ma anawu me le. Batanya ta zuzu na Urishelima, alanga e le mili re da.

20 Ana Marta uwwai Yesu ta lo a tawa, wu uta ta tsara u ga'aton yi, Meri gba wi isawan ta pe o uwa.

21 Avu Marta damma yi, “Zagbain, na vu shi pa, mawun ma anawu ma va ma shi a kuwa shi.

22 Amma ko gogo n reve ta Asula a ta ca wu ili i na vu pati niyi suru.”

23 Avu u damma, “Mawun ma anawu ma wu u ta 'yon avu u yuwisan wuma.”

24 Avu u usu, “N reve ta u ta 'yon avu waru u yuwan wuma o urana wu ukosu, a mantsa ma na Asula aa 'yasan akwakwa suru.”

25 Reve u damma yi, “Amu da u'yasasan wa akwakwa na wuma. Aza a na waru a usu numu a ta yuwan wuma ko a shi a kuwa.”

26 Vuma na ri wuma avu u usu mu waa kuwa shi. Marta vu usu ta ne?”

27 Reve u usu, “Ee, Zagbain. N usu ta a na avu da Kristi Zamawawa, za na ayi da Mawun ma Asula, waru ayi da za na ri lo aa tawa atsuma o uvadi.”

Yesu shon ta

28 Ana Marta dammai ne, avu u kamba u yuwan adanshi na mawun ma anawu ma yi Meri goon. Avu u damma, “Manlu'u u ta pa, waru u te desu wu.”

29 Ana Meri uwwai tsundolo, avu u 'yoshin u kara a tyo ubata wa Yesu.

30 Koto u shi u rawa a lyuci'i shi, amma u buwa ta de ubata u na Marta cina niyi.

31 Ama na abunda a tawa ta tsara a casa le, ana e enei Meri utai go'o u lyawai u'wa'a, a jiyan ta gashi u ta 'yawa ubata wa aason tsara u shon. Dada o toni niyi.

32 Avu Meri rawa ubata u na Yesu danai. Ana we ene niyi, u kingyo ta a makakan ma yi, avu u damma, “Zagbain, na vu shi pa, mawun ma anawu mo ulobo ma va ma shi a kuwa shi.”

33 Ana Yesu ene niyi e mesun, avu waru we ene cine ama a ri e mesun obolo na ayi fo. U yuwan ta atsumolangu abunda.

34 Reve we ece, “Te da gba i cido niyi?”

Avu a damma yi, “Zagbain, tawa ve ene ubata'a.”

35 Reve u shon.

36 Reve ama a na a danai zuzu na ayi a damma, “Kalyuwai cine u ciga niyi lon.”

37 Avu ozo o ro e le a damma, “U ca ta irumba yeni. Amayun nu u shi lo u shi a lyawa Li'azaru kuwa shi.”

Yesu 'yasan ta Li'azaru atsuma o ukwa

38 Yesu buwa ta na atsumolangu a abunda lon. Avu u kara a 'yawa a aason, za na wungu u da u danai atsuma a aatali na aatali a na a bundalai tsara o to u'uwata'a.

39 Reve u damma, “Bundalai aatali'i a nge'en.”

Reve Marta damma, “Zagbain, vu reve ta a na Li'azaru kuwai de hali rana nashi na karai, gogo u ta fara a shamusa.”

40 Avu u damma yi, “Vu cuwan cine n damma nuwu a na na vu ca okolo, vu te ene tsugbain tsu Asula.”

41 Avu a bundala aatali'i a nge'en. Reve u kalyuwa zuva ubata wa Asula avu u damma, “Dada, n godyo ta a na vu uwuwa numu.”

42 N reve ta vu tsu uwuwa mu ta kuci, amma n damma ta ne adama a ama a na a ri pa ubolotowu zuzu na amu. N ciga le ta e reve a na vu lyungu numu.”

43 Ana Yesu kotoi avasa, avu u saala, “Li'azaru, uta!”

44 Reve wu uta a mmalu. A katala ta ana ne ekere a yi no okoro, avu a katalaa yi okoro o urewesu.

Avu Yesu damma le, “Bada niyi avu i lyawa yi u kara.”

O fobo ta o una Yesu

(Mat. 26:1-5; Mak. 14:1-2; Luk. 22:1-2)

45 Ama a ̄abunda a na a ̄tawai a ̄kalyuwa Meri e ene ta ili i na Yesu yuwain, avu a ̄usu yi.

46 Amma ozo o ro e le gba a ̄'yawa ta a damma Afarishi ili i na Yesu yuwain.

47 Avu nan ganu a gbagbain na Afarishi e de ibolo ya Azagbain a Mbara† ubata u ta reve a damma le, “Nye tsaa yuwain? Vuma nda ta yuwusan iroci yi ili ya asalama ya ̄abunda.

48 Na tsu lyawa yi u lyuwa elime na mayan me ili i nda, ama suru a ̄ta usu yi. Asoja a ̄Roma a ta tawa a ̄lungusa Aa'isamapada ni ida i tsu.”

49 Kayafa vuma ta da atsuma a Azagbain a Mbara† za na danai aabara a nan ganu atsuma a aa'wan o ndolo, avu u damma, “Ko ili i ta i reve shi!

50 Cine tsa da yaa lyawa a ̄lungusa ida'a suru? Lyawai vuma nda kuwa, tsara ama suru a ̄dana wuma.”

51 Majiyan ma nda mo uta a asuvu a Kayafa shi. Amma adama a na ayi da u danai aabara a nan ganu a aa'wan o ndolo, u yuwisan ta adanshi e ili i na yaa fara: U dansa ta a na Yesu ta kuwa adama a aza a Isra'ila suru.

52 Ko na ne Yesu aa kuwa adama a aza a Isra'ila goon shi. U ta kuwa tsara u boloto muwun ma Asula o o'wo za ta, aza a na a ̄ri ubazu atsuma o uvadi.

53 Urana u ndolo u da a farai izami yu ure u na oo una yi.

54 Adama o ndolo, Yesu yuwan mmalu atsuma a Yahuda a alanga eteshe shi, avu u lyawa Urishe-lima. U kara ta a tyo a lyuci va Ifaramu, za na ri a nge'en mu una, avu u danu de obolo no ojoro a yi.

⁵⁵ Mantsa'a ma yuwan ta zuzu na yashi ya Abuki a Mapasa. Ama a abunda aza a na a danai a mulyuci n keke'en a kara ta a tyo Urishelima kafu mantsa ma abuki'i, tsara a kambato aciyele cece ununa Wila u damma nle a yuwan.

⁵⁶ A shi ta a ciga e ene Yesu, amma ele pe atsuma a Aa'isamapada, avu e ecelei vani le, "Nye i da majiyan ma du? U ta tawa ubata wa abuki'i?"

⁵⁷ Avu nan ganu a gbagbain na Afarishi a damma ama'a a na na vuma ro ene Yesu'u, vuma'a u tawa u damma le. Avu a tawa e reme yi.

12

Meri tsuwayin Yesu mani'in

¹ Ana u buwai rana tali a fara Abuki a Mapasa, avu Yesu kara a tyo Batanya, reve u rawa o u'wa wa Li'azaru, za na u 'yasa'in atsuma a aakwakwa.

² Reve o fofoo yi pe malyuwaa. Marta da tawai ni ilyalya'a, Li'azaru waru u shi ta obolo na aza a na a lyuwai obolo na Yesu.

³ Reve Meri tara meden ma mani'in ma maguru, za vi ikebe lon, avu u tsun yi a ana e Yesu. Reve u tasa le na anji a yi. Reve maguru mo shiton u'wa'a.

⁴ Oojoro o ro za na a tsu de Yahuza Iskariyoti shi ta lo. Ayi da za na aa wina Yesu, avu u damma,

⁵ "Mani'in mo ndolo ma ta rawa ikebe i na i rawai ikebe yu ulivu ukpakuta'atsu (300).* A shi ta wina yi reve a ca alambi ikebe'e."

⁶ Agba Yahuza yuwan adanshi a alambi na amayun shi. U damma ta ne ana wo o'woi ayi vivu

* **12:5** Danshi na a yuwayin ulinga pa nda na Tsheleni ayi da "dinari ukpakuta'atsu (300)." Kalyuwa Ucuɗuwu wi "Ikebe."

ɗa. Ayi ɗa u ɗanaɪ za vu uzuwa wi ikebe, waru u tsu tarasa ta ikebe pe adama a aciyayi.

⁷ Avu gba Yesu damma, “She vu damaton yi wan. U yuwan ta ne e ifoɓi ya aciɗa a va.

⁸ I ta ɗana na alambi kuci, agba yaa ɗana oɓolo na amu kuci shi.”

A yuwan ta mpolo o una Li'azaru

⁹ Ana ama a uwwai a na Yesu rawa ta, a tawa ta na abunda adama e ene Yesu na Li'azaru, vuma na u 'yasaɪn atsuma o ukwa.

¹⁰⁻¹¹ Ama na abunda a lyawa ta itoni i nan ganu va aza a Isra'ila, reve a uwa itoni ya Yesu adama a Li'azaru. Ili i ndolo i ɗa i zuwai nan ganu a gbagbain a yuwain ifoɓi i na oo una Li'azaru fo.

Yesu uwai Urishelima

(*Mat. 21:1-11; Mak. 11:1-11; Luk. 19:28-40*)

¹² Ana usana u tawai, reve oɓolo a ama na abunda a na a tawai adama a Abuki a Mapasa† a uwwa a na Yesu ta lo a tawa Urishelima.

¹³ Dada a tarai ashuwa-shuwa reve a 'yawa a ga'an na Yesu, a yisaali,

“Husana!† A ciɓala Asula!”

“Asula a zuwaa za na tawai atsuma a ala a Asulazuva aba'un!”

“Asula a zuwaa Mogono ma Isra'ila aba'un!”

¹⁴ Avu Yesu zami molloli reve u kumba yi. Ayi ɗa ili i na Zakariya vumavasula dammai,

¹⁵ “Ama a Urishelima† she yu uwwa wovon wan! Mogono ma ɗu mo ta lo a tawa, waru u ta kumba molloli.”

† **12:15** Zak. 9:9. Aatagada a Adanshi a Asula a Tsugana tsa yuwan ta ulinga na Sihiyona, amma aala o ro a Urishelima a ɗa waru.

16 A mantsa mo ndolo, ojoro a yi a gura reve ili i ndolo shi. Amma a tyo de a mantsa ma na a 'yasan niyi a tyo a tsugbain, reve a cuwan a na Adanshi a Asula a dammai ne adama a yi, waru a yuwaan yi ta ili i nda.

17 Ama na abunda a shi ta obolo na ayi, ana u 'yasin Li'azaru atsuma a akwakwa, avu u damma yi wu uta a aason. A shi ta a dansaa ozo o ro ili i na Yesu yuwain.

18 Ama na abunda o uta ta aa cina yi, adama a na a uwwai ili ya asalama i nda.

19 Dafa Afarishi† a dammulai, “Ye ene ta, tsu tsura uyuwu wa aci shi suru suru! Kalyuwai, uvadi suru u to tono yi!”

Nheleni n ciga ta me ene Yesu

20 Nheleni† n ro n 'yawa ta fo Urishelima a yuwan aganda a mantsa ma Abuki a Mapasa'a.

21 Reve a 'yawa ubata wa Filibu (vuma na utai diga a lyuci va Besaida atsuma a Galili) avu a damma, “Manlu, tsu ciga ta tse ene Yesu.”

22 Avu Filibu 'yawa u damma Andarawu, reve ele ra a 'yawa a damma Yesu.

23 Avu u damma le, “Mantsa ma yuwan ta ana Mawun ma Vuma† maa ushi tsugbain tsa yi.

24 Amayun a da maa dansaa du, cu'un vu shina ta na riyai e ida waa kamba abunda shi, she nu u kuwa. Agba nu u kuwa, u ta matsan abunda.

25 Za na cigai wuma wa yi atsuma o uvadi u nda u ta lamba yi. Za na wasain wuma wa yi o uvadi u nda u ta tsura wuma u na woo koto shi.

26 Za na cigai u yuwaan mu tsugbashi suru, u ciga u 'yuwan u tawa u kuru mu, adama aagbashi

a va a dana obolo na amu ubata u na n ri suru. Waru Dada va ta ca za na yuwaan numu tsugbashi suru tsugbain.”

Yesu yuwan ta adanshi o ukwa wa yi

²⁷ Avu Yesu lyuwa elime na adanshi, “Gogo nda n ta atsuma a addama. N damma, ‘Dada wawa mu na mantsa ma nda?’ Ne da shi, n tawa ta a mantsa ma nda adama a nda, adama n sowo atsumalima.

²⁸ Dada, roco ama tsugbain tsa wu!”

Dada udyo wu utai diga zuva avu u damma, “N roco ta de cine n ri na tsugbain waru n ta dashi roco.”

²⁹ Obolo a ama a na a danai lo mishin a uwwa ta udyo'o, reve ozo o ro e le a damma tsata tsa da. Ozo o ro gba a damma, “Malingata ma Asula ma da ma yuwain adanshi na ayi!”

³⁰ Avu Yesu damma le, “Adama a du a da udyo'o u tawai, adama a va a da shi.

³¹ Gogo mantsa ma da na Asula e ge'eto ama o uvadi. Waru mantsa ma da ana Asula aa gbara Male za na aa yuwusan tsugono tsu uvadi tsa nda.

³² Agba na a 'yasan mu a akpata atsuma o uvadi, n to rono koyan a tawa ya'a va.”

³³ Yesu damma ta ne adama u roco cine waa kuwa.

³⁴ Reve obolo a ama'a a usu, “Wila u tsu u damma tsu ta a na Zamawawa'a u ta dana lo kuci. To, cine tsa da, vaa damma a ta 'yasan Mawun ma Vuma zuva va akpata? Zane da Mawun ma Vuma ma nda'a?”

³⁵ Avu Yesu usu, “I ta tsura ekan a na a jima ke'en. I lyuwa elime na mmalu eka'an ubuwu lo. Ni i yuwan ne, to, yaa tadatsa shi ni irumbu i tawa.

Amma ni i yuwan mmalu ɔ́tsumā e irumbu, yee reve ubaṭā u na yee tyo shi.

³⁶ Cayi za na taṅwai ne ekan okolo ā du, ayi ubuwu obolo nā ādu. Daḍa yoo o'wo ama a na ā ri nden ɔ́tsumā e ekan.”

Ama o ro a 'yuwan tā a ca Yesu okolo e le

Ana Yesu dammai ne, reve u karā u 'yawā u pa'an adama e ene yi wan.

³⁷ Ko na u yuwain iroci yi linga va asalama a nda ā mākākan me le, ā ushi yi shi.

³⁸ A yuwan tā ne adama e ili i na Ishaya vumavasulā dammai wo o'wo amayun, “Asulazuva, zane ḍa usuyi ili i na tsu damma nle? Waru zane ḍa enei ucira wā wu?” ◇

³⁹ Ishaya† waru u damma tā ili i na i zuwai ā kuḍai ā usu ayi ḍa:

⁴⁰ “Asulazuva ā rumbanatō tā esu a ama, reve waru u zuwa o o'wo aza a aciyogbamu. U yuwan tā ne adama e ene ko e reve wan, waru adama ā kambā ubaṭā wā Asulazuva u kambuwā le gbaga wan.” ◇

⁴¹ Ishaya damma tā ne, adama a na we enei tsugbain tsā Yesu, avu u yuwan adanshi ā yi.

⁴² A mantsa'a, reve azagbain nā abundā a ca yi okolo e le. Agba adama a na aa uwwusa wovon wa Afarishi, a yuwan adanshi ā yi a alanga eteshe shi, adama Afarishi ā gbarā le ɔ́tsumā ā aā'isā'a wan.

⁴³ A la'a tā ciga ama a cuwa le a na Asulā a cuwa le.

Yesu taṅwā tā adama u wawa uvadī

⁴⁴ *Avu* Yesu damma koyan a uwwusa, “Za na ushi numu suru, u ushi mu ta obolo na za na lyungu numu.

⁴⁵ Za na suru ene numu, we ene ta za na lyungu numu.

⁴⁶ N ta wa ta atsuma o uvadi ana za na ta wayi ne ekan atsuma o uvadi, adama za na ca numu okolo waa buwa atsuma e irumbu shi.

⁴⁷ “Za na suru uwwai adanshi a va, reve u 'yuwan a kuru le, amu da moo kototo yi shi. Adama a na n ta wa adama n kototo uvadi shi, amma adama n wawa yi.

⁴⁸ Agba ili i na yoo kototo za na 'yuwan numu na adanshi a va o ta lo. Adanshi a na n dammai, ayi da ili i na yoo kototo yi o urana wu ukosu.

⁴⁹ Ili i na moo ritosu ili ya aciyava i da shi. Dada na lyungu numu, ayi da u damma numu ili i na maa damma ni ili i na moo rito.

⁵⁰ N reve ta ili i na u dammai ama a yuwan, ili'i i zuwa ta ama a tsura wuma u na woo koto shi. Ayi da i zuwai maa dansaa du ili i na Dada'a u damma numu gan.”

13

Yesu sa'a ta ana o ojoro a yi

¹ Ele lo kafu urana wa Abuki a Mapasa a rawa, Yesu reve ta mantsa ma na waa lyawa uvadi u rawa ta, tsara u kamba ubata wa Dada. U ciga ta ama a na a ri pe atsuma o uvadi aza a na a ciga niyi, waru u ciga le ta hali a tyo o ukosu.

² Ayi a lyuwusa ilyalya obolo no ojoro a yi nu ulivu, agba Mekerkesu ma zuwa ta de Yahuza,

mawun ma Simo Iskariyoti, u jiyān adama u wina yi.

³ Yesu reve ta a na Dada va yi ca niyi de ucira e ekere e ili suru, waru u tawa ta diga a Asula, waru u ta kamba ubata wa Asula.

⁴ Ele atsuma a alya, avu u 'yon mishin dada u fodoi utugu wa yi reve wu nla mayaga e ikyun ya yi.

⁵ Avu u tsun mini a masa'atsu reve u uwa masa'a ma ana mo ojoro a yi, avu u tasa le na mamuna ma na wu nla e ikyun ya yi'i.

⁶ Ana u rawai ubata wa Simo Bituru, avu u damma yi, "Zagbain, vu ciga ta vu sa'a mu ana?"

⁷ Reve u usu, "Vu reve ili i na maa yuwusan gogo shi, amma vu ta tawa vu reve na aapa."

⁸ Avu Bituru damma, "O'o, vaa sa'a ana a va shi."

Avu u usu, "Na n sa'a ana a wu shi, vu pe atsuma a ama a va shi."

⁹ Dada u dammai, "Zagbain, she vu sa'a ana a va goon wan! Sa'a ekere na aaci a va fo!"

¹⁰ Avu u damma, "Na vuma sumba, lipu va yi suru u tsu dana ta cece. Ana a yi a da goon u cigai u sa'a. Waru adu i ta cece, agba suru ndu da shi."

¹¹ U reve ta vuma na aa wina yi, ayi da i zuwai u dammai, "Suru ndu da i ri cece shi."

¹² Ana u kotoi masa'a ma ana me le, avu wo oto utugu wa yi. Avu u danuwisa, reve we ece le, "I reve ta ili i na n yuwaan ndu gogo?"

¹³ I de mu ta 'Manlu' na 'Zagbain' waru amayun a da du, adama a na ne dada n ri.

¹⁴ Amu, Zagbain na Manlu ma du, n sa'a ta ana a du gogo. Adu fo i sa'alai ana a du.

¹⁵ N yuwan ta ne adama e iroci tsara i yuwan cine n yuwaan ndu.

¹⁶ Amayun a da maa dansaa du, aagbashi a la'a zavu'wa va yi shi. Malingata ma la'a za na lyungu niyi shi.

¹⁷ I reve ta ili i nda, waru Asula a ta zuwaa du aba'un, ni i yuwan le.

¹⁸ “Maa yuwusan adanshi adama a du suru shi. N reve ta aza a na n dangwai. Amma ili i na Adanshi a Asula a dammai ciga 'yuwan u shiwan. Reve u damma, ‘Vuma na aa lyuwusa obolo na amu da wina numu!’ ◇

¹⁹ “N ta dansaa du ili i nda gogo kafu u fara, tsara nu u fara, i usu a na amu dada* za na ri lo kuci.

²⁰ N ta dansaa du amayun, vuma na ushiyi malingata ma va, u ushi mu ta fo. Waru vuma na usu numu, u usu ta vuma na lyungu numu.”

Yesu damma ta ili i na yaa cina yi

(Mat. 26:20-25; Mak. 14:17-21; Luk. 22:21-23)

²¹ Ana Yesu kotoi adanshi o ndolo, avu u uwa atsumolangu a abunda lon. Dada u dammai a alanga e eteshe, “N ta dansaa du amayun, vuma ta atsuma a du u ta wina mu.”

²² Agba ojoro a yi e reve ili i na waa dansa shi. Avu a kalyuwulai vani le.

²³ Za ta atsuma o ojoro a yi za na Yesu cigai lon,† dana ta nden zuzu na ayi.

◇ **13:18** Ica 41:9. * **13:19** Aza a Isra'ila e reve ta danshi “amu dada” aala a Asula a da. Pa nda Yesu ta dansa ili i ta i da u ri na Asula. † **13:23** Ojoro a na Yesu cigai lo'on, ayi da Yahaya za na danai aatagada a nda. U ciga u de aala a yi shi dada u zuwusai “za na Yesu cigai lon” ko “oojoro o ro” atsuma e idana ya yi.

²⁴ *Avu* *Simo Bituru* yuwaan yi adanshi nu ukere reve u damma, “Ece yi ko zane da waa yuwusan adanshi a aci a yi.”

²⁵ Reve oojoro'o u rabatowo Yesu, *avu* we ece yi, “Zagbain, *atsuma* a tsu, vuma ne da vaa yuwusan adanshi a aci a yi?”

²⁶ *Avu* u usu, “N to oto assala a nda o usa'an. Vuma na n cayi *ayi* da waa wina mu.” *Avu* wo oto assala'a *avu* u ca Yahuza, ulobo wa *Simo Iskariy-oti*.

²⁷ Ana Yahuza ushiyi assala o ndolo, da da Male ma uwa niyi.

Da da Yesu dammai, “Yahuza, 'yawa gogo vu yuwan ili i na vu cigai vu yuwan.”

²⁸ *Atsuma* a aza a na a *danai* lo a alya, babu za na revei ili i na i zuwai Yesu dammai ne Yahuza.

²⁹ Amma adama a na Yahuza *ayi* da le za vu uzuwa, ozo o ro a yuwusan ta majiyan gashi Yesu damma yi ta, u 'yawa u tsupa ikebe yi ilyalya, ko u ne'eshen alambi ikebe.

³⁰ Ana Yahuza ushiyi assala o ndolo, reve wu utushi, cina ayin a yuwan.

Wilq u sa'avu

³¹ Ana Yahuza karai, reve Yesu damma, “Mantsa ma rawa ta a na *amu* Mawun ma Vuma maa uwa *atsuma* a tsugbain tsu va, waru *Asula* a ta tsura tsugbain adama e ili i na yaa cina mu suru.

³² Na *Asula* a tsura tsugbain adama a va, *Asula* na aciyayi u to roco cine Mawun ma Vuma ma ri na tsugbain gogogo.

³³ “Muwun n va, mantsa ke'en da ma buwa numu a na *maa danu na adu*. I ta zami mu, agba yaa tsura mu shi. N damma du ta cine n dammai

aza a Isra'ila, 'Yaa gura 'yawa ubata u na maa 'yawa shi.'

³⁴ “Amma n ta casu du wila u sa'avu u na yaa kuru. I ciga i 'yuwan i cigalai cine n ciga ndu.

³⁵ Ni i cigalai, ama suru e te reve adu ogoro a va a da.”

Yesu yuwan ta adanshi a na Bituru a wasan yi

³⁶ Reve Simo Bituru ece Yesu, “Zagbain, te da vee tyo?”

Reve u usu, “Ubata u na maa 'yawa vaa gura toni mu de shi, amma a 'yawa de vu to toni mu.”

³⁷ Avu we ece yi, “Zagbain, nye i zuwai moo toni wu gogo shi? N tu ufofu n kuwa obolo na avu!”

³⁸ Reve u usu yi, “Vu tu ufofu vu kuwa adama a va? Amayun a da maa damma wu, kafu moton ma saala, vu ta wasan mu uta'atsu.”

14

Yesu da ure a tyo ya Dada

¹ Reve Yesu damma ogoro a yi, “She u balala ko i dana na atsumolangu wan. I ushi Asula, waru i ushi mu fo.

² Asula a abunda a ta de o u'wa wa Dada va, waru n ta 'yawa n foboo du ubata. Na amayun a da shi, n shi a damma du ne shi.

³ Na n koto mayan me ili i nda, n ta tawisa n tara du a tyo obolo na amu. Reve tsu danuyi obolo.

⁴ I reve ta ure a tyo ubata u na mee tyo.”

⁵ Reve Toma usu yi, “Zagbain, tsu reve ubata u na vee tyo shi. Cine tsee reve ure a tyo de?”

⁶ Reve u usu, “Amu da ure u na u rocoi amayun a Asula waru n ca ama wuma. Babu vuma na aa 'yawa ya Dada she nu u kuru nu ubata u va.

⁷ Ni i shi i reve mu na amayun, i te reve Dada va fo. Amma diga gogo i reve yi ta, waru ye ene yi ta.”

⁸ Avu Filibu damma, “Zagbain, roco tsu Dada'a, atsu u ta rawa tsu.”

⁹ Reve u usu, “Filibu, n to obolo na adu nu ujimu. Cine tsa da wo o'woi hali n gogo koto vu revei ko zane da n ri shi? Vuma na ene numu suru, we ene ta Dada. To, cine vaa dansa n roco du Dada'a.

¹⁰ Koto vu ca okolo a na amu n ri pe atsuma a Dada, waru Dada ri pe atsuma a va shi? Adanshi a na maa dansaa du adanshi a va a da shi, amma Dada da na ri pe atsuma a va, waru ayi da waa yuwusan ulinga wa yi.

¹¹ Usuyi Dada'a u ta pe atsuma a va, amu waru n ta pe atsuma a Dada. Na ya usu mu adama e idanshi i va shi, to, usu numu adama e ili i na n yuwain.

¹² “Amayun a da maa dansaa du, vuma na suru usu numu, ta yuwan ili i na n yuwusain. Aza a na a usu numu a ta yuwan ili i na i la'ai za na n yuwusain, adama a na n ta kamba n danu obolo na Dada.

¹³ Waru ni i pati ili i ro atsuma a ala a va, n ta yuwaan du, adama Mawu'un u tawa Dada na tsugbain.

¹⁴ N ta yuwaan du ili i na i patiyi suru atsuma a ala a va.

Nzuwulai n na Ruhu va Akiza aa tawa

¹⁵ “Ni i ciga mu, i ta yuwan ili i na n damma ndu i yuwan suru.

16 Waru n ta pati Dada u ca ɗu Za vi Ikambi i ro, za na ʔʔ ɗanu na ʔɗu hali ukosu.

17 ʔyi ɗa Ruhu va Akiza,† za na rocoi amayun adama ʔ ʔsulā. Ama o uvadi ʔʔ usu yi shi, adama a na e ene yi shi, waru e reve yi shi. Amma ʔɗu i reve yi ta, adama a na u ta pe nden ʔtsuma ʔ ɗu, waru u ta ɗana pe ʔtsuma ʔ ɗu.

18 Na n kara, maa lyawa ɗu ʔ nde'en tsa mkpa'an shi, n ta tawisa ya'a ɗu.

19 Mantsa ma buwa ta ke'en, ama o uvadi a buwa ee ene mu shi, amma ʔɗu i te ene mu. Adama a na ʔmu wuma u ɗa n ri, ʔɗu waru i ta ɗana wuma.

20 Nu urana u ndolo u tawa, i te reve a na n ri pe ʔtsuma a Dada. Waru i te reve a na i ri ʔtsuma ʔ va, waru ʔmu n ri ʔtsuma ʔ ɗu.

21 Vuma na ciga numu suru, u ta yuwan ili i na n dammai suru, ʔvu Dada va ciga yi fo. ʔmu fo n ta ciga yi, ʔvu n roco yi ko zane ɗa n ri.”

22 ʔvu Yahuza (ʔyi nda Yahuza Iskariyoti ɗa shi) damma, “Amma Zagbain, cine vu fofoi vu roco tsu aciyawu amma ʔ tyo a akapi shi?”

23 Reve u usu, “Na ama a ciga mu, a ta yuwan ili i na n damma nle a yuwan suru. Dada va ta ciga le, ʔvu tsu tawa ya'a le, ʔvu waru tsu ɗanu oɓolo ne ele.

24 Vuma na gba ciga numu shi, waa yuwan ili i na n dammai shi. Ili i na yu uwwa numu n dammai, ya'a va ɗa wu utai shi, amma o unā wa Dada u ɗa za na lyungu numu.

25 “N damma ɗu ta ili i nda suru a mantsa ma na n ɗanai oɓolo na ʔɗu.

26 Amma ʔyi Za vi Ikambi u to roco ɗu ili suru, waru u ta zuwa ɗu i cuwan ili i na n damma nɗu

suru. Ɔyi Za vi Ikambi i nda Ɔyi ɗa Ruhu va Akiza za na Dada va ƆƆ lyungu Ɔtsuma a ala Ɔ va.

²⁷ N zuwa ɗu ta i tsura Ɔmazanga o okolo Ɔ ɗu, cu'un Ɔmazanga na n ri na Ɔyi o okolo Ɔ va, Ɔyi ɗa maa zuwa ɗu i tsura. Asuvu nden a na maa ca woo o'wo cine uvadi waa ca shi. Adama o ndolo she i yuwan Ɔtsumolangu lon wan, waru she yu uwwa wovon wan.

²⁸ “Yu uwwa mu ta ɗe adansa n ta Ɔƙara waru n ta Ɔtawisa ya'a ɗu. Ni i ciga mu na amayun i yuwan Ɔmazanga a na Ɔƙamba ya Dada, adama a na u la'a mu ta tsugbain.

²⁹ N ta dansaa ɗu ili i nda gogo kafu u fara, adama nu u fara i usu.

³⁰ ƆƆa ɗashi yuwan adanshi Ɔ Ɔabunda na Ɔɗu shi. Adama a na za tsugono tsu uvadi u nda u ta lo Ɔ Ɔtawa. Amma u ri nu ucira a aci Ɔ va shi.

³¹ N yuwan ta ili i na Dada va damma numu n yuwan suru, tsara ama o uvadi a nda e reve n ciga yi ta.

“Tawai gogo tsu Ɔƙari.”

15

Ataci ne eten

¹ ƆƆu Yesu lyuwa elime na adanshi no ojoro Ɔ yi, reve u damma, “Ɔmu ɗa ikyun ya amayun i na i tsu utaa ataci a inabi. Dada va Ɔyi ɗa cimbi.

² Ne eeten a na Ɔ ri za va nu u matsan shi, u tsu gasa yi ta. Waru u tsu lapula ta eeten a na a tsu matsan muwun, tsara u matsan muwun Ɔ Ɔabunda.

³ Ili i na n damma nɗu u zuwa ɗu ta ɗe i Ɔƙamba cece.

⁴ Ni i ri ukabu na amu, n to o'wo ukabu na adu. Eeten a tsu matsan na aciyayi shi. U ta matsan nu u buwa ukabu ni ikyun. Ne da adu fo yaa matsan shi, she ni i ri ukabu na amu.

⁵ “Amu da ikyun ya ataci'i, adu gba eten. Na za suru kaba ya'a va, amu waru ukabu na ayi, u ta matsan lon. Agba yaa gura yuwan ili i ro shi, she na n kamba du.

⁶ Na za ri ukabu na amu shi, u ta gashi eeten a na a tsu vari reve u 'yewe. Ama a tsu tara ta eten a na e 'yewei, reve a zuwa le a akina a kulato le.

⁷ Ni i ri ukabu na amu na waru yaa kurusu uritosu u va, i ta pati Dada ili i na i cigai suru, avu gba u ca du.

⁸ Na yaa matsasan muwun ma abunda, u to rocosu a na adu ojoro a va a da, waru i to rocosu ama tsugbain tsa Dada va.

⁹ “N ciga du ta cine Dada va ciga numu. Gogo i kaba atsuma e icigi i va.

¹⁰ Ni i yuwan ili i na n dammai, i ta kaba atsuma e icigi i va. Ne da waru, n yuwain ili i na Dada va damma numu n yuwan, ne da fo n ri ukabu atsuma e icigi ya yi.

¹¹ N damma du ta ili i nda suru adama yoo o'wo na cu'un mazanga ma na n ri na ayi, adama waru mazanga ma du mo o'wo ushete wan.

¹² Apa nda ili i na maa dansaa du i yuwan: i cigalai ununa n ciga ndu.

¹³ Babu icigi i na i la'ai nda, vuma kuwa adama a n'utsa ma yi.

¹⁴ “Adu n'utsa n va da, ni i kuru ili i na maa dansa.

15 M buwa e desu ɗu agbashi shi, adama a na zagbain tsu damma agbashi a yi ili biti shi. Amma n te desu ɗu n'utsa, adama a na n damma ndu ili i na Dada va damma numu biti.

16 I dangwa mu shi. Amu da n dangwa ndu. Avu waru n ca du ulinga u nda i yuwan: 'Yawai i matsan muwun, icu'un i na yaa jima. Ne da Dada aa ca du ili i na i pati niyi suru na ala' a va.

17 Apa ili i na n damma ndu i yuwan: I cigalai.

Uvadi u ta 'yuwan ojoro'o

18 “Na ama o uvadi a nda a 'yuwan du, i cuwan amu da a fara 'yuwain.

19 Na adu aza o uvadi a da, a ta ciga du ununa a cigai aza e le. Amma n dangwa du ta yu uta atsuma o uvadi, adama o ndolo adu aza o uvadi a da shi. Ayi da i zuwai uvadi u 'yuwan ndu.

20 I cuwan ni ili i na n damma ndu: Aagbashi a la'a zavu'wa va yi shi. Na ama o bongi mu, o to bongi du fo. Waru na a yuwan ili i na n rito nle a yuwan, a ta yuwan ili i na i damma nle fo a yuwan.

21 Agba o to bongi du adama a na i ri aza a va. A ta yuwan ne adama a na e revei za na lyungu numu shi.

22 Na n shi n tawa n yuwaan le adanshi shi, a shi a dana nu unusu u na waa tawaa le no oforo shi. Amma gogo a ri nu ure u motaa shi adama o unusu u le.

23 Za na 'yuwan numu biti u 'yuwan ta Dada va.

24 N yuwan ta linga va asalama e memere me le, icu'un i na ko za koto yuwain shi. Na n shi n yuwan linga nda shi, a shi a dana nu unusu shi. Agba gogo nda e ene ta ili i na n yuwain. Agba suru na ne, a 'yuwan mu ta obolo na Dada va.

²⁵ Agba ili i nda i fara ta adama e ili i na a danai a Wila u le wo o'wo amayun: 'A 'yuwan mu ta pere m pere.' ◇

²⁶ “N ta lyunguwa du za na a tsu de Za vi Ikambi. U to uta ubata wa Dada avu u tawa ubata u du. Ayi da Ruhu va amayun. Nu u tawa, u ta yuwan adanshi adama a va.

²⁷ Reve adu fo ni i ciga i 'yuwan i damma ama adama a va, adama a na i ri obolo na amu diga a mantsa ma na n temei uritosu.”

16

¹ Avu Yesu lyuwa elime na adanshi, u damma, “N damma du ta ili i nda, adama i lyawa u'ususuu va wan.

² A ta gbara du a a'isa. Waru mantsa ma ta tawa ana ama oo una du, reve a jiyangashi a ta yuwusaan Asula aganda na a yuwan ne.

³ A ta yuwan ne, adama a na e reve Dada'a shi, waru e reve mu shi.

⁴ Agba n damma du ta ili i nda, adama na mantsa ma tawa ana aa yuwusan ili i nda, i cuwan ni ili i na n damma ndu.

Ulinga u Ruhu va Akiza

“Mantsa ma na n temei uritosu, n damma du ili i nda shi, adama a na n shi obolo na adu.

⁵ Gogo gba n ta kamba ubata wu za na lyungu numu. Agba ko vuma ta atsuma a du ece mu, ‘Te da vee tyo?’ shi.

⁶ Ana n damma ndu gogo, adu da nda i remei atsumolangu.

⁷ Agba amayun a da maa dansaa du, u la'aa du ta ulobonu n kara. Na n kara n ta lyunguwa du na Za vi Ikambi. Na n kara shi, Za vi Ikambi'i waa tawa shi.

⁸ Nu u tawa, u to roco ama o uvadi a na a nusain ana a dammai, 'Tsu reve ta ili i na i ri unusu, waru tsu reve ta ili i na i ri mejege, waru tsu reve ta ununa Asula a tsu ge'eto unusu.'

⁹ A yuwan mejege shi adama o unusu, adama a na a usu mu shi.

¹⁰ A nusan ta adama e ili i na i ri mejege, adama a na n ta 'yawa ubata wa Dada, waru yaa lyuwa elime na mene ma va shi.

¹¹ A yuwan mejege shi adama o uge'etosu adama a na u yuwaan ta de za tsugono tsu uvadi u nda uge'etosu.

¹² "N ta ni ili ya abunda i na maa damma du, agba gogo u la'a ta ucira u na yee reve.

¹³ Agba na Ruhu na o rocosu ili i na i ri amayun adama a Asula u tawa, u ta zuwa du i reve ili i na i ri mejege i na yoo utusa ubata wa Asula. Waa yuwan adanshi a na o utai ubata wa yi shi, amma u ta damma ili i na wu uwwai goon, waru u ta damma du ili i na yaa tawa.

¹⁴ U ta ca mu tsugbain, adama a na u ta tara ili i na n dammai reve u damma du.

¹⁵ Ili i na Dada ri ne ele suru, n ta fo ne ele. Ayi da i zuwai n dammai Ruhu'u u ta tara ili i na maa damma avu u damma du.

Atsumalima a ta kamba mazanga

¹⁶ "Na a jima ke'en yee ene mu shi, amma a tyo de i te enishe mu."

¹⁷ Reve ozo o ro atsuma o ojoro a yi a dammulai, “Nye waa dansa ana u dammai, ‘Na a jima yee ene amu shi, reve waru a tyo de avu ye enishe mu?’ Waru nye i da waa dansa ana u dammai, ‘Adama a na n ta kara a tyo ubata wa Dada?’ ”

¹⁸ Reve waru e ecelei, “Nye i da waa dansa ‘na a jima ke'en?’ Tsu gura reve ili i na waa dansa shi.”

¹⁹ Yesu reve ta ojoro a yi a ciga ta e ece yi adama o ndolo, dada u damma nle, “I te mecilei ili i na maa dansa ana n dammai, ‘Na a jima ke'en ye ene mu waru shi, reve waru n damma a tyo de i te enishe mu?’

²⁰ Amayun a da maa dansaa du, i ta shon avu waru i yuwan atsumolangu, amma uvadi u ta yuwan mazanga. I ta yuwan atsumolangu, amma atsumolangu a du a ta kamba mazanga.

²¹ Na ka danu limatan, u ta na mbala, adama a na mantsa ma yi ma rawai. Amma nu u matsan mawu'un, avu wi icina na mbala'a adama a na u ri a mazanga ma na u tsurai mawun o uvadi.

²² Ne da fo u ri ya'a du. Gogo i ta atsumolangu, amma n te enishe du. A mantsa'a i ta yuwan mazanga, waru ko vuma aa gura zuwa du i lyawa mazanga shi.

²³ Na mantsa mo ndolo ma rawa, yee ece mu ili i ro waru shi. Amayun a da maa dansaa du, Dada va ta ca du ili i na i patiyi suru atsuma a ala a va.

²⁴ Hali n gogo koto i pati ili i ro atsuma a ala a va shi. Patishiyi, Asula waru a ta ca du ayi, tsara i shiwan na mazanga.

Kristi Zamawawa lyuwa ta aci o uvadi

²⁵ “N yuwan ta adanshi a nda ni iroci, agba mantsa mo ta lo a tawa ana ma da dashi yuwan ne

shi. A mantsa'a n ta paḍuwaḍu ḍu ili suru adama a Dada'a.

²⁶ O urana u ndolo i ta pati Dada'a na ala a va, agba woo o'wo she na n yuwan ipati o unḍu u ḍu shi.

²⁷ Asulaḍu Dada u ciga ḍu ta adama a na i ciga numu, reve waru i usu a na mu utai ubata wa yi.

²⁸ Mu utai ta ubata wa Dada, reve n tawa o uvadi. Gogo gba n ta lyawa uvadi avu n kamba ya Dada'a."

²⁹ Avu ojoro'o a damma, "Gogo vu ta adanshi na atsu upaḍuwu! Vaa yuwusan adanshi ni iroci shi.

³⁰ Gogo tsu reve ta vu reve ta ili biti. Vu ta gura usu yeci i vuma kafu u yuwan yeci'i. Ayi nda, u zuwa tsu ta tsu usu vu utai ta ubata wa Asula."

³¹ Avu u usu, "Amayun a da i usu ta gogo?"

³² Mantsa mo ta lo a tawa, waru u rawa ta de, ana suru ndu yee bete'we, koyan da atsuma a du a kamba o u'wa wa yi, reve i lyawa mu a nde'en. Agba Dada to obolo na amu, waru adama o ndolo n ri a nde'en shi.

³³ "N damma du ta ili i ndolo adama yoo o'wo na mazanga ma amayun adama a na i ri obolo na amu. Uvadi u ta zuwa du i sowo atsumalima. Agba i kaba asuvu! N lyuwa ta aci o ucira wu uvadi!"

17

Yesu yuwaan ta ojoro a yi avasa

¹ Ana Yesu kotoi a dansaa le ili i nda suru, reve u kalyuwa zuva avu u damma, "Dada, mantsa ma rawa ta. Vu ca Mawun ma wu tsugbain adama u ca wu tsugbain.

² Vu ca yi t̄a tsugbain a aci a ama suru adama u ca aza a na vu ca niyi wuma u na woo koto shi.

³ Waru nda ure u na āa tsura wuma u na woo koto shi: e reve wu, za na āvu d̄a Āsul̄a a amayun goon, reve waru e reve Yesu Zamawawa, za na vu lyunguyi.

⁴ N roco t̄a tsugbain ts̄a wu o uvad̄i ana n kotoi ulinga u na vu ca numu n yuwan.

⁵ Gogo, Dada, vu d̄ashi ca mu tsugbain tsa na n shi n̄a āyi ana n shi obolo n̄a āvu kafu vu yuwan uvad̄i.

⁶ “Vu ca mu t̄a āza e itoni o ro atsuma o uvad̄i u nda, waru n roco le t̄a ili i na vu rotsoi. Āza a wu a d̄a a shi, agba vu ca mu t̄a ele, āvu gba a yuwaan wu tsutoni.

⁷ E reve t̄a a na āvu d̄a vu ca numu ili i na n ri n̄a āyi suru.

⁸ Adama a na n damma t̄a āza e itoni a v̄a ili i na vu damma numu, agba a usu t̄a. E reve t̄a a na mu ut̄a ubat̄a w̄a wu, āvu waru a usu āvu d̄a vu lyungu numu.

⁹ N ta avasa adama e le. Maa yuwusan avasa adama a ama o uvad̄i shi, amma adama a aza a na vu ca numu, adama a na ele āza a wu a d̄a.

¹⁰ Ama o ndolo suru aza a na a ri āza e itoni a v̄a āza a wu a d̄a fo, waru aza a na oo tonu wu suru āza a v̄a a d̄a fo. O roco t̄a na amayun ili i na tsugbain ts̄a v̄a ts̄a ri.

¹¹ N t̄a lo a t̄awa ya'a wu. M buwa e isawan o uvad̄i waru shi. Agba āza e itoni i v̄a a buwa t̄a atsuma o uvad̄i. Vu roco ucira wa ala a wu, āyi d̄a ala a na vu ca numu, tsara vu geshe le. Dada oo o'wo ili i t̄a, ununa āvu n̄a āmu tsu ri.

12 Nu ucira wā wu u dā, ucira u na vu ca numu a mantsa mo ndolo a_{mu} ubuwu o uvadi dāda m putsayi ili i wuya a ju'wān le. Shede ayi vuma na o kototoi* ayi dā a lungusa_i adama Adanshi a Asula a shiwan.

13 “Dada, n t_a tawā yā'a wu gogo. Agba n damma t_a ili i nda a_{mu} ubuwu o uvadi, adama aza e itoni a vā a shiwan nā mazāngā ununa a_{mu} n ri.

14 N damma le t_a ikaka yā wu. Agba ama o uvadi u nda a 'yuwan le t_a, adama a na a ri ili i t_a ne ele shi, ununa a_{mu} fo n ri ili i t_a na ama o uvadi shi.

15 Maa patishi wu vu tawa le atsuma_a o uvadi shi, amma vu 'yasan za wuya a ju'wān le.

16 A_{mu} za vu uvadi u nda u dā shi. Ne dā waru ele fo aza o uvadi a nda a dā shi.

17 Vu zuwa le o o'wo cece na akiza o uritosu wa adanshi a wu za na ayi dā amayun.

18 N lyungu le t_a atsuma_a o uvadi, cine vu lyungu numu atsuma_a o uvadi.

19 N ca t_a aciyavā n yuwaan wu tsugbashi adama ele fo a ca aciyele a yuwaan wu tsugbashi.

20 “Dada, n ta yuwusan avasa adama a aza e itoni a nda, agba waru n ta yuwusan avasa adama a aza a na a_a tawā a ca mu okolo e le suru, adama e ili i na aza e itoni a vā aa damma adama a vā.

21 N ciga t_a suru nle o o'wo ili i t_a, ununa a_{mu} n ri ili i t_a nā avu, avu waru vu ri ili i t_a nā a_{mu}. N ciga le t_a fo o o'wo ili i t_a nā atsu. Dada ama o uvadi a nda a_a usu a na avu dā vu lyungu numu.

22 N ca t_a ama a nda tsugbain tsa na vu ca numu adama o o'wo ili i t_a, ununa avu nā a_{mu} tsu ri ili i

* **17:12** Vuma na o kototoi pa nda u ta yuwusan adanshi a Yahuza Iskariyoti za na winai Yesu.

tā.

²³ Amu ili i tā i dā ne ele, aṅu waru ili i tā vu ri nā aṅu, adama o o'wo ili i tā suru suru. Ne dā ama o uvadī ee reve aṅu dā vu lyungu numu. E te reve a na vu cigai aṅa e itoni a vā ununa vu ciga numu.

²⁴ “Dada, vu ca mu tā ele, waru n ciga le tā a dānā ubatā u na n ri, adama ee ene tsugbain tsā vā, za na vu ca numu adama a na vu ciga numu kafu vu yuwan uvadī.

²⁵ “Dada, aṅu dā za vā aḅula.† Uvadī u reve wu shi, aṅu gba n reve wu tā, ama a nda waru e reve tā a na vu lyungu numu.

²⁶ N roco le tā ili i na vu rotsoi, waru n ta lyuwa elime nu uyuwusan ne. Ne dā aa gura ciga ozo o ro ununa vu ciga numu, adama moo o'wo ili i tā ne ele.”

18

E reme tā Yesu

(Mat. 26:47-56; Mak. 14:43-50; Luk. 22:47-53)

¹ Ana Yesu kotoi avasa, reve aṅi no ojoro a yi a kaṅa reve a pasa Uḅaa wā Kidron. Reve a rawa ubatā u na u ri nā dānga zetun† vā aḅunda aṅu a uwa pe.

² A 'yaṅwusa tā ubatā'a nā aḅunda, aṅi dā i zuwai Yahuza za na wina niyi revei ubatā u na a ri.

³ Reve nan ganu a gbagbain na Afarishi a lyungu aḅugari a Aa'isamapada o ro a kuru Yahuza. Waru obolo a aṅoja a Roma a shi tā obolo ne ele, ama a nda a shi tā ni itana yu uvon ni ifitila na akata. Aṅu Yahuza tara le a tyo ubatā'a.

⁴ Yesu reve tā ili i na yaa fara nā aṅi, dāda wu utai reve we ece le, “Zane dā yaa zama?”

⁵ Reve a usu, “Yesu za va Nazara.”

Avu u damma le, “Amu daɗa Yesu'u!” (Yahuza za na wina niyi, shi ta mishin ne ele.)

⁶ Ana Yesu damma nle, “Amu daɗa ayi'i,” reve o rono na aɗapa avu a riya e ida.

⁷ Reve we ecishe le, “Zane da yaa zama?”

Avu a damma, “Yesu za va Nazara.”

⁸ Avu u usu, “N damma du ta de amu daɗa Yesu. Na amu da yaa zama, lyawai ojoro a va a kara.”

⁹ A yuwan ta ne adama e ili i na Yesu dammai de a shiwan, “N lamba ko za ta atsuma a aza na vu ca numu shi.”

¹⁰ Reve Simo Bituru tala matsun me pe'eni ma yi reve u kodo utsuvu wu usa'ani wa aagbashi a aabara a nan ganu. (Aala a aagbashi'i Maluku.)

¹¹ Avu Yesu damma Bituru, “Kambuwa matsun me pe'eni ma wu e ibici ya yi. Vu ta a majiyan n ciga n sowo atsumalima ununa Dada zuwai n sowo shi?”

*A tarai Yesu a tyo ubata wa aabara a nan ganu
(Mat. 26:57-58; Mak. 14:53-54; Luk. 22:54)*

¹² Reve yali i gbain† na asoja a yi a Roma, obolo na adugari a Aa'isamapada, e reme Yesu avu a nla yi.

¹³ Avu a fara tara yi a tyo ya Hanana, ashawale Kayafa. Kayafa da danai aabara a nan ganu a aa'wan o ndolo.

¹⁴ Ayi daɗa za na de aɗapa u dammai azagbain a Isra'ila, “Lyawai vuma nda kuwa tsara ama suru a dana wuma.” ◇

*Bituru wasain Yesu
(Mat. 26:69-70; Mak. 14:66-68; Luk. 22:55-57)*

¹⁵ Reve Simo Bituru no oojoro o ro \diamond a kuru Yesu. Oojoro'o u reve ta aabara a nan ganu'u, da da u uwai obolo na Yesu atsuma a agalaci o ukobu wu uge'etosu wa aabara a nan ganu.

¹⁶ Bituru gba reve wi isawan a alanga zuzu nu unantsu. Avu oojoro'o u kamba u yuwan adanshi na aagbashi o usheli a na a ri o unantsu. Reve a lyawa Bituru u uwa.

¹⁷ Amma avu usheli'i we ece Bituru, "Avu oojoro a vuma ndolo Yesu da, ko ne da shi?"

Avu u wasan, "O'o, amu da shi!"

¹⁸ Mantsa mo utanu ma da ma shi, reve agbashi na adugari a Aa'isamapada a gba'ato akina. Ele a lyasuwusa, da da Bituru rawai zuzu na akina'a adama u lyasuwa.

Aabara a nan ganu a yuwain Yesu yeci

(Mat. 26:59-66; Mak. 14:55-64; Luk. 22:66-71)

¹⁹ Avu aabara a nan ganu a yuwan Yesu yeci adama o ooro a yi nu uritosu wa yi.

²⁰ Reve u usu, "N yuwusan ta adanshi adama koyan da uwwa. N ritosu ta a a'isa na a Aa'isamapada, ubata u na aza a Isra'ila suru o tsu boloto. N damma ko ili i ta usokowu shi.

²¹ Adama a nye vee eceshe mu cu'un vi ili i nda? Ece ama a na a uwwai uritosu u va. E reve ta ili i na n dammai."

²² Ana Yesu dammai ne, avu dugari ro basa yi o ugbaguzu avu u damma, "Zane da avu a na vaa yuwaan aabara a nan ganu† cu'un va adanshi o ndolo?"

²³ Avu u damma, "Na n damma ta ili i ro i na Wila u dammai u ri mejege shi, i roco ili'i. Agba ni ili i

\diamond 18:15 Yah. 13:23.

na n dammai amayun a ɗa, adama a nye vu ɓasa numu?"

²⁴ Yesu ubuwu wunlu ɗaɗa Hanana caco niyi a tyo ya Kayafa aabara a nan ganu.

Bituru wasisan ta Yesu

²⁵ Ili i nda a farasa pe atsuma, Simo Bituru de mishin zuzu na akina a lyasuwusa. Dada e ece niyi, "Au za vi itoni ya Yesu ɗa, ko ne ɗa shi?"

Au u wasan reve u damma, "O'o, au ɗa shi!"

²⁶ Aagbashi o ro a aabara a nan ganu a shi ta lo. Maci vuma na Bituru kodoi utsuvu u ɗa. Au u damma, "Me ene wu ta ubata a ɗanga zetun, ko me ene wu shi?"

²⁷ Au Bituru wasisan, a mantsa'a au moton ma saalashi.

A tarai Yesu a tyo ya Bilatu

(Mat. 27:1-2, 11-14; Mak. 15:1-5; Luk. 23:1-5)

²⁸ Ana Kayafa kotoi uge'etosu wa Yesu na wasasa, ɗaɗa azagbain a Isra'ila a tara niyi a tyo ubata wa Bilatu gwamna vuma va Roma. Au ama'a e isawan a alanga. Na shi za ro uwa pe, u shi to o'wo babu cece, agba Wila u shi a lyawa yi u yuwan Abuki a Mapasa shi.

²⁹ Au Bilatu uta a alanga reve we ece le, "Adan-shi a nye a ɗa i tawayi a aci a vuma nda?"

³⁰ Reve a usu, "Na shi vuma nda za vu ulinga wi iwuya i ɗa shi, tsu shi a tawa na ayi ubata wa wu shi."

³¹ Au u damma le, "To, au na aciyadu tara niyi i 'yawa i ge'eto yi cine Wila u du u dammai i ge'eto yi."

Reve a wasan a damma, "Au aza a Roma i tsu lyawa tsu tsu una vuma shi."

32 Ili i na a dammai u roco ta ili i na Yesu dammai de cine waa kuwa u fara ta o'uso amayun.

33 Reve u kamba o ukobu avu u de Yesu avu we ece yi, "Avu da mogono ma aza a Isra'ila?"

34 Avu u damma, "Yeci ya wu i da nda'a, ko ama o ro a yuwaan wu ta adanshi a va?"

35 Reve u usu, "Vu reve ta amu za va Isra'ila da shi! Ama a wu na nan ganu a gbagbain a da a tawai na avu ya'a va. Nye i da gba vu yuwain?"

36 Reve Yesu usu, "Tsugono tsu va za vu uvadi u nda u da shi. Na shi za vu uvadi u nda u da, agbashi a va a shi ta yuwan nlangi adama a zuwa mu e ekere a azagbain a Isra'ila wan. Amu n ri ana ngono n na maa yuwusan tsugono pa o uvadi shi."

37 Avu we ece yi, "Avu mogono ma da, ko ne da shi?"

Reve u usu yi, "Vu damma ta amu mogono ma da, waru vu damma ta mejege. Ayi da i zuwai a matsan numu, avu n tawa o uvadi adama n damma ama amayun. Waru za na ri za va amayun tsu poloo mu ta atsuvu."

38 Avu we ece yi, "Nye i da amayun?"

A padayi Yesu ugana wu ukwa

(Mat. 27:15-31; Mak. 15:6-20; Luk. 23:13-25)

Ana Bilatu dammai ne, avu wu utisa a tyo ya aza a Isra'ila avu u damma le, "Vuma nda yuwan ili i na i rawai n damma, 'Nu u ciga u 'yuwan u kuwa' shi.

39 I reve n tsu bada ta vuma ta atsuma o u'wa wa ali u kara a mantsa ma Abuki a Mapasa. I ciga ta n lyawa 'mogono ma aza a Isra'ila?' "

⁴⁰ Reve a saala, “O'o, a lyawa yi wan! Tsu ciga t̄a a lyawa Baraba.” (Baraba gba u shi t̄a u tsu 'yasasan nlangi.)

19

Asoja a yuwaan t̄a Yesu ulamu (Mak. 15:16-20)

¹ Reve Bilatu† damma asoja a faba Yesu na asudu.

² Reve a d̄ava ookokolo e eten a awanda, āvu a zuwayi a aaci,* āvu o oto yi aayala a sawun daan-daan.

³ Āvu a tawusa ya'a yi na a dammi, “Wuma wa wu u jima, mogono ma aza a Isra'ila!” Na a basasa niyi o ugbaguzu.

⁴ Āvu Bilatu kara o utisa waru, reve u damma ama'a, “Uwwai, n t̄a o ut̄a yi pa nda ya'a d̄u, adama i reve n tsura ili i ro i na yaa zuwa n kototo yi shi.”

⁵ Reve Yesu ut̄a, wotowu no ookokolo a awanda† na aayala'a. Āvu Bilatu damma le, “Apa vuma'a!”

⁶ Ana nan ganu a gbagbain obolo na adugari a Aa'isamapada e ene niyi, reve a saala, “Vara niyi a akpata!† Vara niyi a akpata!”

Āvu u usu, “I tara yi reve i vara yi a akpata. N tsura ili i na yaa zuwa n kototo yi shi.”

⁷ Reve a usu, “U damma t̄a a na ayi Mawun ma Asula ma da. Adama o ndolo, Wil̄a u tsu u damma t̄a u kuwa.”

⁸ Ana wu uwwai ili i nda, reve wu uwwa wovon lon.

* **19:2** Kaisa Mogono mo otosu t̄a ookokolo a āvu'un a na a mungai na aayala a sawun daan-daan. A yuwaan t̄a ne Yesu adama a lamaa yi.

⁹ Avu u karā a kamba o ukobu wā yi reve we ece Yesu, “Te ḏa vu utai?” Agba u usu ili i ro shi.

¹⁰ Avu Bilatu damma, “Vu 'yuwan tā a yuwan adanshi nā amu? Vu reve, n tā nu ucira u na maa lyawa wu vu karā pere, ko n zuwa a vara wu a akpata.”

¹¹ Avu u usu, “Vu ta gura yuwaan mu ne adama a na Asulā a zuwa nuwu vu yuwan. Vuma na ca numu e ekere ā wu u la'a wu tā unusu.”

¹² Ana wu uwwai ili i nda, u shi tā u ciga u lyawa yi u karā pere. Avu azagbain a Isra'ila a lyuwa elime nā yisaali, “Nā vu lyawa vuma nda pere, avu i'utsa i Mogono Kaisa ḏa shi! Vuma na suru tarai aciyayi mogono ma ḏa, vuma ndolo ma'yuwatan mo mogono ma ḏa!”

¹³ Ana wu uwwai ili i na aa dansa, reve wu utā nā Yesu a alanga avu u ḏanu o ootogu o uge'etosu o ukobu u na ā tsu ḏe Ukobu u na ā Ru'wai na Atali a Gbagbain. (Aala o ubatā u nda nā Tsu'aramaḏ ayi ḏa “Gabata.”)

¹⁴ Gogo urana u tā e meremee ma aci o Urana wi Ifobi yā Abuki a Mapasa.

Reve u damma aza a Isra'ila'a, “Apa ḏu mogono mā ḏu!”

¹⁵ Reve ā kambuwa yi nā yisaali, “Una niyi! Una niyi! Vara yi a akpata!”

Avu we ece le, “I ciga tā n vara mogono mā ḏu a akpata?”

Reve nan ganu a gbagbain ā usu, “Tsu ri nā mogono mo ro shi, she Kaisa!”

¹⁶ Reve u ca le Yesu adama a vara yi a akpata.

A vara tā Yesu a akpata

(Mat. 27:32-44; Mak. 15:21-32; Luk. 23:26-43)

Avu ąsoja a tara Yesu reve a kara na ayi.

¹⁷ Ayi a motaa atsuma a lyuci'i, u tanu ta akpata† a yi a tyo Ubatą wo Ookoluwo. (Aala o ubatą'a na Tsu'arama ayi da "Gologota"†).

¹⁸ Ubatą u dađa a vara niyi a akpata.† A yuwaan ta ne waru aza o u'wa wa ali e re o ro, vuma ta suru e ebele a ta, Yesu gba e memere.

¹⁹ Reve Bilatu zuwa le a zuwa de iroci zuwa va a akpata'a, adansa,

YESU VA NAZARA, MOGONO MA AZA A ISRA'ILA.

²⁰ Reve a dana iroci'i toto uta'atsu: Za vu ufaru na Tsuyahuda,† waru na Tsuroma, waru na Tsuheni.† Ama na abunda e de yi ta nu una, adama a na ubatą u na a varai Yesu a akpata u ri alanga na lyuci shi.

²¹ Reve nan ganu a gbagbain a damma Bilatu, "She vu dana, 'Mogono ma aza a Isra'ila' wan, amma vu dana, 'Vuma nda damma ta amu da mogono ma aza a Isra'ila.' "

²² Avu u usu, "N dana yi ta ne, waru ne da u ri."

²³ Ana ąsoja o kotoi mavara ma Yesu a akpata, reve a tara itana ya yi avu e ne'eshen batą nashi. Soja suru ta nu upasu wa yi. Reve fo a tara utugu wu uga'an wa yi, za na danai udavu diga zuwa a cipa. ²⁴ Reve a dammulai vani le, "She tsu karai ayi nda batą batą wan. Tsu yuwain anca'wa adama tsu reve za na aa tara yi." Ili i nda i fara ta adama e ili i na Adanshi a Asula a dammai wo o'wo amayun:

"E ne'eshen ta itana i va vani le, avu a yuwan anca'wa adama o utugu u va." ◇
Ayi nda gba, ayi da ili i na ąsoja'a a yuwain.

◇ 19:24 Ica 22:18.

25 Mma va Yesu dana ta lo mishin a nge'en ma akpata obolo na mma ke'en va yi. Meri ka va Kiliyofa na Meri Magadaliya a dana ta lo fo.

26 Oojoro a na u cigai ◇ dana ta lo fo zuzu na mma va Yesu. Ana Yesu ene nle obolo, reve u damma mma va yi, “Vuma nda mawun ma wu ma da gogo.”

27 Reve u damma oojoro'o, “Ayi da mma va wu gogo.” Diga lo da oojoro o ndolo a tara niyi a tyo o u'wa wa yi.

Yesu kuwa ta

(*Mat. 27:45-56; Mak. 15:33-41; Luk. 23:44-49*)

28 Yesu reve ta a na u kotoi de ulinga wa yi. Amma adama u lyawa Adanshi a Asula o o'wo amayun, reve u damma, “N ta uwwusa akuli!” ◇

29 Meden ma dana ta lo tapu na mini ma alamu, avu asoja'a a tsupu pe ashidi. Dada a nla niyi o oosondori,†† reve a canana a zuwaa Yesu o una.

30 Ana Yesu sowoi mini'i, avu u damma, “U koto ta.” Avu u kadato aaci, reve u kuwa.

A sapai Yesu e eebele

31 Urana u nda Urana wi Ifo6i i da,‡ agba nu usana u tawa Ashibi a da za na wo o'woi abajini o urana waru Urana u Mapasa u da. Ana wo

◇ 19:26 Yah. 13:23. ◇ 19:28 Ica 69:21; Ica 22:15. † 19:29 A yuwan ta ulinga na adanga a avu'un a na a tsu de “osondori.” Ayi da a yuwayin ulinga a Aatagada a Motaa a na o kyo'onuyi mpasa a nantsu vu 'wa va aza a Isra'ila (Mta. 12:22), waru a yuwan ta adanshi a yi bata ro atsuma a Adanshi a Asula. ‡ 19:31 Urana u Mapasa u ta gura o o'wo urana suru atsuma a ajuma. A aa'wan a na a varai Yesu a akpata wo o'wo ta urana wa Ashibi, adama o ndolo a kambato ta Ashibi'i abajini o urana.

o'woi aza a Isra'ila a ciga a lyawa lipu le zuva va akpata'a† shi hali urana wa Ashibi, avu a pati Bilatu u lyawa asoja a kukuɗa ana a aza a na a ɗanaɗi ɗe a akpata adama a kuwa go'o. Reve waru a cipato lipu le e ida.

³² Avu asoja'a a fara kuɗa ana a ama e re'e aza a na a ɗanaɗi zuva va akpata e ebele e Yesu.

³³ Amma ana a rawai ubata wa Yesu, reve e ene u kuwa ta ɗe, agba a kuɗa ana a yi shi.

³⁴ Avu za ta atsuma a asoja'a tara ibata ya yi reve u sapa Yesu e ebele. Reve mpasa na mini mo uta.

³⁵ Tsu reve ta ili i nda amayun a ɗa, adama a na za na enei ne esu ɗa dammai. U damma ta ne adama adu fo i usu.

³⁶ Ili i nda i fara ta adama Adanshi a Asula† a shiwan: “Ko eetele a ta a yi aa kuɗa shi.” ◇

³⁷ Waru Adanshi a Asula o ro a damma ta, “A ta kalyuwa vuma na a sapai ni ibata.” ◇

Acida e Yesu

(Mat. 27:57-61; Mak. 15:42-47; Luk. 23:50-56)

³⁸ Ana ili i nda i kotoi, reve Isuhu, vuma lyuci va Arimatiya, pati Bilatu ko u ta lyawa yi u tara lipu va Yesu. (Isuhu za vi itoni va Yesu ɗa, amma usokowu, adama a na wu uwwusa ta wovon wa azagbain a Isra'ila.) Avu Bilatu usu, reve Isuhu 'yawa u tara lipu'u u kara na ayi.

³⁹ Nikodimu, za na shi tawai ɗe ya Yesu na ayin, shewun ta Isuhu. Avu u tawaa na aguma a maguru e re na rawai uritowu ukpaku na a tsu tsuwaan akwakwa.

⁴⁰ Ama e re a nda a tara t̄a lipu v̄a yi reve a katala yi ak̄andar̄uwa no okoro obolo n̄a aguma'a. Ne da aza a Isra'ila a tsu yuwan n̄a aa cido aakwakwa.

⁴¹ Ubat̄a u mavara ma akpata'a u t̄a zuzu n̄a aarumbu, atsuma a aarumbu'u aason a sa'avu a dana t̄a pe za na koto a yuwain ulinga n̄a ayi shi.

⁴² Adama a na wo o'woi Urana wi Ifobi u da kafu Mapasa,† waru adama a na aaso'on a ri zuzu, dada a zuwai pe lipu'u.

20

Aason e Yesu a t̄a lyanga

(Mat. 28:1-8; Mak. 16:1-8; Luk. 24:1-12)

¹ Nu usana wa Aladi ubat̄a ubuwu haḅa, avu Meri Magadaliya kara a 'yawa a aaso'on, reve we ene aatali a aaso'on ugandaluwu utakatsuwu nu unantsu wa aaso'on.

² Reve u suma a 'yawa ya Bituru za na atsu de Simo obolo no oojoro o ro, ◇ za na Yesu cigai, avu u damma le, “A tara t̄a Zagbain pe a aaso'on, agba tsu reve ubat̄a u na a zuwa niyi shi!”

³ Reve Bituru no oojoro'o a kara a 'yawa de.

⁴ Mere me le a dana t̄a e iladi, agba oojoro o ro'o a sara t̄a Bituru hali u fara rawaa yi.

⁵ Ana u kanza u kalyuwai atsuma a aaso'on, reve we ene pe okoro goon, agba u uwa pe shi.

⁶ Dada Simo Bituru a rawa avu u uwa pe, reve we ene pe okoro'o.

⁷ We ene t̄a fo apadi o okoro a na a palayi urewesu wa Yesu n̄a ayi. A kutsulu yi t̄a, reve wo o'wo upasu u t̄a.

◇ 20:2 Yah. 13:23.

⁸ Reve oojoro o ro'lo, za na fara rawai a aaso'on fo u uwa pe. Reve we ene avu u usu a na a 'yasain Yesu atsuma a akwakwa.

⁹ (A mantsa mo ndolo koto a shi e reve ili i na Adanshi a Asula a dammai a na amayun a da a ciga a 'yuwan u 'yon atsuma o ukwa shi.)

¹⁰ Reve oojoro'o a kara a kamba o u'wa.

Meri Magadaliya enei Yesu

(Mat. 28:9-10; Mak. 16:9-11)

¹¹ Meri gba wi isawan ta a alanga a aaso'on e mesun. Reve u kanza u kalyuwa atsuma a aaso'on.

¹² Avu we ene pe nlingata ma Asula n re. A dana ta wotowu ni itana i uri waru a dana ta nden ubata u na lipu va Yesu shi. Za ta dana ta ubata a aaci za ta gba shi ubata wa ana.

¹³ Reve e ece yi, “Adama a nye vu ri e mesun?”

Avu u usu, “A tara ta Zagbain va, agba n reve ubata u na a zuwa niyi shi.”

¹⁴ Ana Meri dammai ne, reve u vadala avu we ene Yesu mishin lo, agba u gura reve a na Yesu da shi.

¹⁵ Reve Yesu ece yi, “Adama a nye vu ri e mesun? Zane da vu ri e izami?”

Avu u yuwan majiyan gashi ayi da wa kalyuwusa aarumbu'u avu u damma, “Zagbain, nna avu da vu tarai lipu va Yesu, m pati wu ta vu yuwan ankuri, vu damma mu, adama n 'yawa n tara yi.”

¹⁶ Avu u damma yi, “Meri.”

Avu Meri vadala a tyo ya'a yi, reve u damma, “Rabboni!”† (Na Tsu'arama† “Rabboni” urevu wa yi ayi da “Manlu.”)

17 Reve Yesu damma yi, “She vu reme mu wan, adama a na koto n kaṙa a tyo ya Dada shi. Amma vu kaṙa a tyo ubaṭa o ojoro a va vu damma le, ‘N ta kaṙa a kaṙa ubaṭa wa Dada va za na ri fo Dada ḏu. Ayi ḏa Aṣula a va, waru ayi ḏa Aṣula a ḏu.’ ”

18 Reve u kaṙa u 'yawa u damma ojoro'o a na we ene ta Zagbain'in. Reve waru u damma le ili i u damma niyi.

Ojoro e Yesu e ene yi ta

(*Mat. 28:16-20; Mak. 16:14-18; Luk. 24:36-49*)

19 Na ayin o urana wa Aladi o ndolo, avu ojoro'o o boloto a aasula a ta avu a katsu nantsu, adama a na a uwwusa ta wovon wa azagbain a Isra'ila. Reve Yesu tawa wi isawan e memere me le babu usan, avu u casa le, adansa, “N yuwan ta avasa i tsura asuvu nden.”

20 Ana u dammai ili i nda, reve u roco le antsu e ekere a yi na za ve eebele. Ojoro'o a shiwan ta na mazaṅa adama a na e te inda Zagbain.

21 Reve u dammisa, “Asuvu nden n dana obolo na adu. Cine Dada va lyungu numu atsuma o uvadi, ne da fo ma lyungusu du.”

22 Avu wi ivuwaan le reve u damma, “Ushiyi Ruhu va Akiza.

23 Nni i yuwaan ama gafura vu nusu le, Asula fo u ta yuwaan le, o to o'wo na gafura. Nna gba i 'yuwan a yuwaan le gafura, Asula fo u ta 'yuwan a yuwaan le gafura.”

Yesu na Toma

24 Za ro atsuma a Kupanejere'e, Toma (za na waru a tsu de fo Mepishe), u dana obolo ne ele shi, a mantsa ma na Yesu rocoi aciyayi.

²⁵ Ana u rawai, reve akapi o ojoro a damma yi, “Tse ene t̄a Zagbain!”

Amma āvu Toma damma, “Maa usu shi she na me ene antsu e ekere ā yi, waru she na n ju'wan antsu'u na aakatsu ā va ubatā u na ikusa i danai, waru n oto ukere u va atsumā a wuntsu we eebele ā yi.”

²⁶ Ana a yuwain ajuma ā t̄a, reve ojoro'o o bolotowiso a aasula'a, waru Toma danā t̄a obolo ne ele. Reve a katsu nantsu vadamma nu ufaru, amma āvu Yesu t̄awā wi isawisan e memere me le babu usan. Āvu u casā le, reve u damma, “N yuwan t̄a avasa i tsurā asuvu nden.”

²⁷ Reve u damma Toma, “Kalyuwā ekere ā va. Zuwa aakatsu ā wu antsu'u. Oto ukere wā wu e eebele ā va. Vu lyawa mawasan a na vāa usu.”

²⁸ Āvu u usu yi, “Āvu da Zagbain vā na Asulā a va.”

²⁹ Reve u damma yi, “Vu usu t̄a o un̄a na ve ene numu. Aza aba'un a da aza a na e ene numu shi āvu gba ā usu.”

Ili i na i zuwai Yahaya danai a aatagada a nda

³⁰ Ojoro e Yesu e ene yi t̄a a yuwusan iroci yi linga va asalama ro na abundā aza a na a danai atsumā a aatagada a nda shi.

³¹ N dana t̄a ili i nda adama i usu a na Yesu da Zamawawa, Mawun ma Asulā, waru adama a na i usu niyi, i t̄a tsurā wuma.

21

Igolo tapu na mugula

¹ A tyo de, reve Yesu rocowiso aciyayi ubata wo ogoro a yi a nge'en m Mala ma Galili.* Apa cine ili'i i farai:

² Ojoro a yi na abunda a dana ta lo: Simo Bituru, na Toma (za na a tsu de Mepishe), na Nataniya va Kana va Galili, na muwun ma Zabadi, no ogoro e re o ro.

³ Reve Simo Bituru damma aza a yi, "Amu n ta 'yawa mereme ma mugula ni igolo."

Reve aza a yi a damma, "Atsu fo tsu ta 'yawa obolo na avu." Avu a kara a 'yawa a wantsun u le. Agba e reme ko ili i shi na ayin o ndolo.

⁴ Ana usana u tawai na wasasa, reve Yesu isawan a nge'en m mala'a, agba ogoro'o e reve a na Yesu da shi.

⁵ Reve u de le, "Ama a va, i reme ta de mugula?"

Avu a usu, "O'o."

⁶ Reve u damma le, "Variyi igolo i du usa'ani u wantsun u du, i te reme ozo o ro." Reve a yuwan ne, avu igolo'o e reme mugula ma abunda hali a kuda o rono yi.

⁷ Reve oojoro a na Yesu cigai[◇] damma Bituru, "Zagbain da!" Ana Simo Bituru uwwai a na Zagbain da, reve wo oto utugu wa yi (adama a na u shi ta u fodo yi ana u dana'i o ulinga), avu wu teruwe a mini u reme udasu a tyo ubata wa Yesu.

⁸ Reve akapi o ogoro o toni yi atsuma a wantsu'un, uguzu ni igolo'o tapu na mugula.

* **21:1** A tsu de ta fo Mala ma Galili Mala ma Tibariya. [◇] **21:7** Yah. 13:23.

A dānā alanga ni idā shi, alanga e le a dānā tā zuzu na ana ukpakuta'atsu (300).†

⁹ Ana ojoro'o o utai atsuma a wantsu'un, reve e ene u tā ni ilyalya, waru u dānā tā a zusun mugula na akinkina.

¹⁰ Avu u damma, “Tawai nā mugula n ro n na i remei gogo.”

¹¹ Reve Simo Bituru kara u uwa atsuma a wantsu'un, reve u rono igolo'o a tyo e idā. Atsuma a yi mugula m gbagbain ukpaku nā kupoton na aza a ta'atsu (153) n dānā tā pe. Agba suru nā ne igolo'o i kara shi.

¹² Reve Yesu damma le, “Tawai i lyuwa.” Ko za tā gba atsuma o ojoro'o gura ece yi, “Zane da vu ri?” shi, adama a na e reve tā a na Zagbain da.

¹³ Avu u 'yawā u tara ilyalya, reve u ca le. Reve waru u ca le fo mugula'a.

¹⁴ Ayi nda, ayi da wa ta'atsu a na u rocoi aciyayi ubatā wo ojoro'o ana a 'yasan niyi atsuma o ukwa.

Yesu nā Bituru

¹⁵ Ana o kotoi alya, reve Yesu ece Simo Bituru, “Simo mawun ma Yahaya, vu la'a tā aza a wu ciga mu?”

Avu u usu, “Ee, Zagbain, vu reve tā a na n ciga nuwu.”

Reve u damma, “Vu lyuwato mukyokyon n va.”

¹⁶ Reve we ecishe yi we ire, “Simo mawun ma Yahaya, vu ciga mu tā?”

Avu u usu, “Ee, Zagbain, vu reve tā a na n ciga nuwu!”

† **21:8** Danshi udasuwu a tsu yuwan tā ulinga nā ayi tsi ili yu uritosu i na a tsu de yadi nā Tsunasara. Ana a ta'atsu a da a tsu yuwan udasuwu u tā.

Avu u damma, “Vu kalyuwa ikyon i va.”

¹⁷ Reve we ecishe yi wa ta'atsu, “Simo mawun ma Yahaya, vu ciga mu ta?”

Bituru yuwan ta atsumolangu adama a na Yesu yuwan yi ta yeci hali uta'atsu ko u ciga yi ta. Adama o ndolo reve u damma Yesu, “Zagbain, vu reve ta ili suru. Vu reve ta a na n ciga nuwu.”

Avu Yesu damma yi, “Vu lyuwato ikyon i va.

¹⁸ N ta dansaa wu amayun, avu o ulobo, vu tso oto ta itana i na vu cigai, reve vu 'yawa ubata u na vu cigai. Agba na vu kutsa, vu ta bubaruwa e ekere a wu. Reve ozo o ro a nla wu avu a tara wu a tyo ubata u na vu cigai shi.”

¹⁹ (U damma ta ne adama u roco cine Bituru aa kuwa, reve u ca Asula tsugbain.) Reve u damma Bituru, “Toni mu!”

²⁰ Avu Bituru vadala reve we ene oojoro o ro, ◇ za na Yesu cigai. Waru ayi da fo za na rabatoi Yesu ele a alya avu we ece, “Zagbain, zane da aa wina wu?”

²¹ Ana Bituru ene niyi, avu we ece Yesu, “Zagbain, ili i ne yaa cina yi?”

²² Reve u usu yi, “Nna n ciga ta u yuwan wuma hali mantsa ma na ma kamba, te imini ya wu na adama o ndolo? Vu toni mu.”

²³ Adama o ndolo reve aalabari'i a baza atsuma a aza e Itoni a na, ayi nda waa kuwa shi. Agba Yesu damma ne shi. Ili i na u dammai ayi da, “Nna n ciga ta u yuwan wuma hali mantsa ma na ma kamba, te imini ya wu na adama o ndolo?”

◇ 21:20 Yah. 13:23.

²⁴ Ayi oo^ooro† a nda ayi da u dammai ili i nda suru. U dana yi ta, waru tsu reve ta a na amayun a da waa dansa.

²⁵ Yesu yuwan ta ili i ro na abunda. Nna a dana ili i ndolo suru atsuma a atagada, n jiyan atsuma o uvadi suru a na aa tsura ubata u na waa rawa a na a zuwa atagada'a suru shi.

**Nzuwulai n Sa'avu na Tsishingini na adiva a
na a dangulai a Nzuwulai mu Ufaru
New Testament in Tsishingini (NI:tsw:Tsishingini)**

copyright © 2011 Wycliffe Bible Translators, Inc.

Language: Tsishingini

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsishingini

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

xcv

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

bb185c63-dc44-572c-ae93-66252c4dfa1e